









1765



MISSÆ
PROPRIÆ
PATRONORUM

ET
FESTORUM
REGNI POLONIÆ
ET SUECIÆ.

AD NORMAM
MISSALIS ROMANI
ACCOMMODATÆ.

ACCEDUNT
MISSÆ QUÆDAM NOVISSIMÆ.



CUM LICENTIA ORDINARIJ.

VRATISLAVIÆ

TYPIS ACADEMICIS, MDCCLXXVI.

INDEX

PATRONORUM ET FESTORUM

REGNI POLONIÆ & SUECIÆ.

FESTA DECEMBRIS.

- Die 4. S. Barbaræ V. & M.
 — 5. S. Petri Chrysologi Ep. Conf.
 — 10. Translatio Almæ Domus Lau-
 retanæ.
 — 18. Expectatio Partus B. V. M.

FESTA JANUARIJ.

- Die 19. S. Henrici Episc. & Mart.
 — 21. S. Agnetis V. M.
 — 23. Desponsatio B. V. M. comm. S.
 Josephi & S. Emerentianæ.
 — 23. S. Joannis Eleemosynarii Ep.
 Conf.
 — 24. Translatio S. Erii Regis &
 Martyris.
 Dominica II. post Epiphan. Festum
 SS. Nominis Jesu.

FESTA FEBRUARIJ.

- Die 1. S. Brigidæ V.
 — 4. S. Ansgarii Ep. & Conf. P. R. S.
 — 6. S. Dorotheæ V. M.
 — 9. S. Apolloniæ V. M. Patronæ
 R. Polon.
 — 10. S. Scholasticæ V.
 — 13. S. Catharinæ de Ricciis.
 — 19. S. Conradi Placentini.
 — 23. S. Margaritæ de Cordona V.
 — 25. S. Sigfridi Episc. & Conf.

FESTA MARTIJ.

- Die 1. S. Albini Conf. Pont.
 — 2. S. Helenæ Vid.
 — 4. S. Casimiri Conf.
 — 5. Translatio S. Wenceslai M.
 — 9. S. Catharinæ Bononiensis, Ord.
 S. Franc. Min.
 — 10. SS. Cyrilli & Methodii Conf.
 Pont.
 — 17. S. Gertrudis V.
 — 18. S. Gabrielis Arch-Angeli.
 — 23. S. Catharinæ Vastanensis V.
 De Spinea Corona Domini. Feria VI.
 ante Dominic. Passion.
 De Lancea & Clavis Domini. Feria VI.
 post Dominic. in Albis.

FESTA APRILIS.

- Die 23. S. Adalberti Ep. M.
 — 24. S. Georgii M.
 Dominica II. post Pascha, SS. Sepul-
 chri D. N. J. C.
 Dominica III. post Pascha, Festum Pa-
 trocinii S. Josephi.

FESTA MAJ.

- Die 2. S. Sigismundi Regis M.
 — 4. S. Floriani M.
 — 8. S. Stenislai Ep. M.
 — 13. S. Servatii Ep. Conf.
 — 16. S. Joannis Nepomuceni M.
 — 18. S. Erii Regis & Mart.
 — 25. S. Joannis de Predo M.
 Dominica V. post Pascha, Dedicatio
 Basilicæ Assisientis.

FESTA JUNIJ.

- Sacratissimi Cordis Jesu, Fer. VI. post
 Octav. Corporis CHRISTI.
 Die 3. S. Erasmi M.
 — 13. S. Antonii de Padua Conf.
 — 16. S. Bennonis Ep. Conf.
 — 19. S. Bonifacii Ep. M.
 — 21. S. Aloyfii Gonzaga, Conf.
 — 22. S. Eschili Episc. & Mart.
 — 27. S. Ladislai Regis Hung. Conf.
 Dominica I. post Octavam SS. Petri &
 Pauli Festum SS. Patronorum
 Regni Sueciæ.

FESTA JULIJ.

- Die 7. S. Pulcheriæ V.
 — 9. SS. Martyrum Gorcomiensium.
 — 13. S. Margaritæ V. Mart.
 — 15. Divisio SS. Apostolorum.
 Comm. S. Davidis Abbatis.
 Die 16. SS. Eremitarum Andree & Be-
 nedicti Martyrum.
 — 18. S. Simonis de Lipnica.
 — 19. S. Joannis de Dukla.
 — 20. S. Ceslai Conf.
 Dominica proxima post 24. Julij S. Cu-
 negundis Virg.
 Die 21. S. Hieronymi Emiliani C.
 — 24. S. Camilli de Lellis Conf.
 — 26. S. Christinæ V. M.
 — 28. S. Bodvidi Martyris.
 — 29. S. Olavi Regis & Martyris.
 — 31. S. Helenæ Vid. & Mart.

FESTA AUGUSTI.

- Die 2. Commemoratio S. Catharinæ
 Vastanensis V.
 — 16. S. Rochi Conf.
 Dominica proxima post Festum Assum-
 ption. B. V. M. S. Hyacinthi C.
 Die 18. S. Claræ de Monte Falcon. V.
 — 19. S. Benignæ V. M.
 Dominica post Octavam Assumption.
 B. V. M. Translatio S. Casimiri C.

- Die 21. S. Joannæ Franc. Fremiot de
 Chantal.
 — 27. S. Josephi Calasancii C.
 — 29. S. Sabinæ M.
 — 30. S. Rosæ Limanæ V.
 — 30. SS. Felicis & Adaucti.

FESTA SEPTEMBRIS.

- Dominica I. Septembris Festum Reli-
 quiarum Dioc. Varm. & Samb.
 Die 1. B. Ladislai de Gielniow P. R. P.
 — 6. S. Rosaliæ V. Panormitanæ, vel
 Rosæ de Viterb. Virg.
 — 10. S. Dalmatii M.
 — 18. S. Josephi a Cupertino C.
 — 24. SS. Tyrri Palmatii & Soc. MM.
 Dominica post Festum S. Matthæi Fe-
 stum Reliquiarum Ecclesiæ
 Upsalensis.
 Die 26. S. Josaphat Ep. M.
 — 27. Transl. S. Stanislai Ep. M.
 — 28. S. Wenceslai M.

FESTA OCTOBRIS.

- Die 6. Translatio S. Eschili.
 — 7. S. Brigittæ Viduæ.
 — 10. Festum Gratiarum actionis pro
 Victoria ex Turcis obtenta.
 — 16. SS. Gereonis & Soc. MM.
 — 10. Feria non impedita, S. Ludovi-
 ci Bertrandi Conf. non Pont.
 — 15. S. Hedwigis Viduæ.
 — 15. S. Theresiæ V.
 — 16. S. Bennonis Ep. M. Apostoli
 Pruss.
 — 20. Translatio S. Adalberti Episc.
 Mart.
 — 21. S. Ursulæ & Soc. VV. MM. cum
 comm. S. Hilarionis Abb.
 — 23. S. Joannis a Capistrano Conf.
 Dominica 4. Octobr. S. Joannis Cantii
 Conf.
 — 28. S. Petri Paschasii Ep. & M.
 — 31. S. Wolffgangi Ep. Conf.

FESTA NOVEMBRIS.

- Dominica I. post 13. Nov. S. Stanislai
 Kostka C. P. R. P.
 Dominica II. Novembris Festum Patro-
 cinii B. V. M.
 Die 12. SS. Quinque Fratrum Polono-
 rum MM.
 — 15. S. Gertrudis Virg. Abbatissæ.
 — 17. S. Salomeæ V. Reginæ Haliciæ.
 — 19. S. Elisabeth Viduæ.

MISSÆ.

MISSÆ.

FESTA DECEMBRIS.

DIE IV. DECEMBRIS.

In Festo S. Barbaræ Virginis & Martyris. **duplex.**

Missæ. Loquebar. **de comm. virg. mart. alicubi.**

ORATIO.

Porrige, misericors DEUS, clementiam tuam nobis devote supplicantibus, ut, qui Beatæ Barbaræ & Martyris tuæ commemoratione gratulamur, virtute illius ad promerendam delictorum veniam gubernemur. Per Dominum nostrum &c.

DIE V. DECEMBRIS.

S. Petri Chrysologi Episc. Conf. & Doct. **dupl. Missæ.** In medio.

ORATIO.

DEUS, qui beatum Petrum Chrysologum, Doctorem egregium, divinitus præmonstratum ad regendam, & instituendam Ecclesiam tuam eligi voluisti: præsta, quæsumus; ut, quem Doctorem vitæ habuimus in terris, Intercessorem habere mereamur in cælis. Per Dominum nostrum &c.

DIE X. DECEMBRIS.

Translatio Almæ Domus Lauretanæ **Missæ in fine missalis.**

DIE XVIII. DECEMBRIS.

Expectatio Partus B. V. M. **Missæ in fine missalis.**

FESTA JANUARI.

DIE XIX. JANUARI.

S. Henrici Episc. & Martyris. **dupl. Missæ ex Communi unius Martyris.** Sacerdotes DEI.

ORATIO.

Omnipotens sempiterne DEUS, qui beato Henrico Martyri tuo atque Pontifici, glorioso triumpho martyrii largitus es palmam: ejus, quæsumus, meritis, & precibus gratiam nobis largiaris & gloriam. Per Dominum nostrum &c.

DIE XXIII. JANUARI.

Desponsatio B. Virginis Mariæ. **duplex majus.**

Missæ in fine Missalis. Commemor. 1. S. Joseph, & 2. S. Emerentianæ.

DIE XXIII. JANUARI.

S. Joannis Eleemosynarii Episc. Conf. **dupl. In Dicecesi Plocensi.**

Missæ ex Communi Confessoris Pontificis. Statuit.

ORATIO.

DEUS, qui beatum Joannem Eleemosynarium Confessorem Pontificem tuum, sanctarum Eleemosynarum erogatorem constituisti, donisque temporalibus cumulatam, ad pauperum tuorum consolationem, deficere nunquam permisisti, concede propitius; ut cujus merita hodierna die recolimus, ejus imitatione præsentium futurorumque bonorum dona, te adjuvante consequi mereamur. Per Dominum &c.

DIE XXIV. JANUARI.

Translatio S. Eriici Regis & Martyris. **duplex.**

Missæ. In virtute tua. **de Comm. Mart. non Pont. in Orat.** Præsta loco natalitia ponitur: translationem. **Evangelium ex missa Sacerdotes DEI.** Si quis vult post me venire.

DOMINICA II. POST EPIPHANIAM.

Festum SS. Nominis Jesu.

Introitus.

In Nomine JESU omne genu flectatur, celestium, terrestrium, & inferorum: & omnis lingua confiteatur, quia Dominus JESUS CHRISTUS in gloria est DEI Patris. **Psal. 8.** Domine Dominus noster, quam admirabile est nomen tuum in universa terra.

Ps. Gloria Patri &c.

ORATIO.

DEUS, qui unigenitum Filium tuum constituisti humani generis Salvatorem, & JESUM vocari jussisti: concede propitius, ut cujus sanctum Nomen veneramur in terris, ejus quoque aspectu perfruamur in cœlis. Per eundem &c.

Deinde fit comm. de Dominica secunda post Epiph.

ORATIO.

Omnipotens sempiterne DEUS, qui cœlestia simul & terrena moderaris: supplicationes populi tui clementer exaudi, & pacem tuam nostris concede temporibus. Per Dominum &c.

Lectio Actuum Apost. Cap. 4.

In diebus illis: Petrus Spiritu Sancto repletus, dixit: Principes populi, & seniores audite. Si nos hodie dijudicamur in beneficio hominis infirmi, in quo iste salvus factus est: notum sit omnibus vobis, & omni plebi Israel, quia in nomine JESU CHRISTI Nazareni, quem vos crucifixistis, quem DEUS suscitavit a mortuis, in hoc iste adstat coram vobis fanus. Hic est lapis, qui reprobatus est a vobis ædificantibus: qui factus est in caput anguli. Et non est in alio aliquo salus. Nec enim aliud Nomen est sub cœlo datum hominibus, in quo oporteat nos salvos fieri.

Grad. Salvos fac nos, Domine DEUS noster, & congrega nos de nationibus: ut confiteamur Nomini sancto tuo, & gloriemur in gloria tua. **Ps.** Tu Domine, Pater noster, & Redemptor noster: a sæculo Nomen tuum. Allel. Allel.

Ps. Laudem Domini loquetur os meum, & benedicat omnis caro Nomen sanctum ejus. Allel.

Post Septuag. dicitur Tractus.

Domine DEUS virtutum converte nos, & ostende faciem tuam, & salvi erimus: sonet vox tua in auribus meis. **Ps.** Vox enim tua dulcis, & facies tua decora nimis. **Ps.** Oleum effusum Nomen tuum, JESU: ideo adolescentulæ dilexerunt te.

† Sequentia S. Evangelii secundum Lucam. **Luc. 2.**

In illo tempore: Postquam consummati sunt dies octo, ut circumcideretur puer: vocatum est Nomen ejus JESUS, quod vocatum est ab Angelo, priusquam in utero conciperetur.

Credo.

Offert. Psal. 85.

Confitebor tibi, Domine DEUS meus, in toto corde meo: & glorificabo Nomen tuum in æternum. Quoniam tu, Domine, suavis & mitis es, & multæ misericordiæ omnibus invocantibus te, Alleluja.

Secreta.

Benedictio tua, clementissime DEUS, qua omnis viget creatura, sanctificet, quæsumus, hoc sacrificium nostrum, quod ad gloriam Nominis Filii tui Domini nostri JESU CHRISTI offerimus tibi: ut majestati tuæ placere possit ad laudem, & nobis proficere ad salutem. Per eundem Dominum &c.

Pro Dominica secunda post Epiphaniam. Secreta.

Oblata, Domine, munera sanctifica; nosque a peccatorum nostrorum maculis emunda. Per Dominum &c.

Præfatio de Nativitate.

Communio.

Omnes Gentes, quascunque fecisti, venient, & adorabunt coram te, Domine, & glorificabunt Nomen tuum: quo-

quoniam magnus es tu, & faciens mirabilia: tu es DEUS solus, Alleluja.

Postcommunio.

Omnipotens æterne DEUS, qui creasti, & redemisti nos, respice propitius vota nostra, & sacrificium salutaris hostiæ, quod in honorem Nominis Filii tui Domini nostri JESU CHRISTI majestati tuæ obtulimus, placido, & benigno vultu suscipere digneris, ut gratia tua nobis infusa, sub glorioso Nomine JESU, æternæ prædestinationis titulo gaudeamus, nomina nostra scripta esse in cælis. Per eundem Dominum &c.

Pro Dominica II. post Epiphaniam.

Postcommunio.

Augeatur in nobis, quæsumus Domine, tuæ virtutis operatio ut divinis vegetati Sacramentis, ad eorum promissa capienda, tuo munere præparemur. Per Dominum nostrum &c.

In fine Missæ legitur Evangelium Dominicæ secundæ post Epiphaniam.

FESTA FEBRUARII.

DIE I. FEBRUARII.

In festo Sanctæ Brigidæ, Virginis.

duplex.

Missæ. Dilexisti. de Communi Virginitatis tantum.

ORATIO.

Omnipotens sempiterne DEUS, qui es sanctarum gloria virtutum, clementiam tuam supplices exoramus: ut per merita Beatæ Virginis tuæ Brigidæ, opportunum tuæ pietatis auxilium sentiamus. Per Dominum &c.

Secreta.

Munera tibi Domine dicata sanctifica: & intercedente Beata Brigida Virgine tua, per eadem nos placatus intende. Per Dominum &c.

Postcommunio.

Satiasti Domine, familiam tuam muneribus sacris; ejus quæsumus semper interventione nos refove, cujus solennia celebramus. Per Dominum &c.

DIE IV. FEBRUARII.

S. Ansgarii Episc. & Conf. *duplex.*

Missæ. Statuit. de Comm. Conf. Pontif.

Oratio. Exaudi quæsumus. Ex missa sequenti Sacerdotes tui.

DIE VI. FEBRUARII.

S. Dorotheæ Virginis & Martyris.

duplex.

Missæ. Me expectaverunt peccatores. In Communi Virginitatis & Martyrum.

DIE IX. FEBRUARII.

S. Apolloniæ Virginis & Martyris.

duplex.

Missæ. Dilexisti. de Comm. Virg. Mart.

DIE X. FEBRUARII.

S. Scholasticæ Virginis. *duplex.*

Missæ. Dilexisti.

ORATIO.

DEUS, qui animam Beatæ Virginis tuæ Scholasticæ, ad ostendendam innocentiam viam, in Columbæ specie Cælum penetrare fecisti; da nobis ejus meritis, & precibus ita innocenter vivere, ut ad æterna mereamur gaudia pervenire. Per Dominum &c.

DIE XIII. FEBRUARII.

S. Catharinæ de Ricciis.

Missæ. Dilexisti. de Comm. Virg.

ORATIO.

Domine JESU CHRISTE, qui Beatam Catharinam Virginem tuo amore succensam, Passionis contemplatione clarescere voluisti: ejus intercessione concede, ut passionis mysteria devote recolentes, ejus fructus percipere mereamur. Qui vivis.

B

Die

DIE XIX. FEBRUARII.

S. Conradi Placentini, *Semiduplex.*
Missa. Justus ut palma. *De Commu-*
ni Conf. non Pont. Evangelium, Ecce
nos reliquimus omnia. *De Communi*
Abbatum.

DIE XXIII. FEBRUARII.

S. Margaritæ de Cordona. *Missa in*
fine Missalis.

DIE XXV. FEBRUARII.

S. Sigfridi Episcopi Confessoris. *duplex.*
Missa. Statuit. *de Comm. Conf. Pont.*

ORATIO.

DEUS, qui Beatum Sigfridum Confes-
sorem tuum, Evangelicæ prædica-
tionis gratia sublimasti: præsta quæsu-
mus; ut & doctrina ejus erudiamur, &
precibus adjuvemur. Per Dominum &c.

FESTA MARTII.

DIE I. MARTII.

S. Albini Confessoris Pontificis. *duplex*
in Diocesi Gmementi.
Missa. Statuit. *de Comm. Conf. Pont.*

ORATIO.

Votiva quæsumus Domine, nos Beati
Albini Confessoris tui atque Ponti-
ficis natalitia restaurent, & ad omne bo-
num tua gratia faciant propensiores.
Per Dominum &c.

DIE II. MARTII.

S. Helenæ Imperatricis Viduæ. *duplex*
Introitus.

Mihi autem absit gloriari, nisi in Cru-
ce Domini nostri JESU CHRISTI,
per quem mihi mundus crucifixus est, &
ego mundo. *Psal. 22.* Virga tua & ba-
culus tuus, ipsa me consolata sunt.

Gloria Patri &c.

ORATIO.

Domine JESU CHRISTE, qui locum,
ubi Crux tua latebat, Beatæ Hele-

næ revelasti, ut per eam Ecclesiam tuam
hoc pretioso thesauro ditares, ejus nobis
intercessione concede, ut vitalis ligni
pretio æternæ vitæ præmia consequa-
mur. Qui vivis & regnas &c.

In Quadragesima fit comm. Fer.

Lectio Libri Sapientiæ. *Prov. 6. 31.*

Mulierem fortem quis inveniet, pro-
cul, & de ultimis finibus pretium
ejus. Confidit in ea cor viri sui, & spo-
liis non indigebit. Reddet ei bonum,
& non malum, omnibus diebus vitæ suæ.
Quæsit lanam & linum, & operata est
consilio manuum suarum. Facta est
quasi navis infitoris, de longe portans
panem suum. Et de nocte surrexit, de-
ditque prædā domesticis suis, & ciba-
ria ancillis suis. Consideravit agrum, &
emit eum, de fructu manuum suarum
plantavit vineam. Accinxit fortitudine
lumbos suos, & roboravit brachium su-
um. Gustavit & vidit, quia bona est ne-
gotiatio ejus, non extinguetur in nocte
lucerna ejus. Manum suam misit ad for-
tia, & digiti ejus apprehenderunt fuscum.
Manum suam aperuit inopi, & palmas
suas extendit ad pauperem. Non time-
bit domui suæ a frigoribus nivis, omnes
enim domestici ejus vestiti sunt duplici-
bus. Stragulatam vestem fecit sibi, bys-
sus & purpura indumentum ejus. No-
bilis in portis vir ejus, quando federit
cum senatoribus terræ. Sindonem fe-
cit, & vendidit, & cingulum tradidit
Cananæo. Fortitudo & decor indu-
mentum ejus, & ridebit in die novissimo.
Os suum aperuit sapientiæ, & lex ele-
mentæ in lingua ejus. Consideravit se-
mitas domus suæ, & panem otiosa non
comedit. Surrexerunt filii ejus, & bea-
tissimam prædicaverunt, vir ejus & lau-
davit eam. Multæ filiæ congregaverunt
divitias, tu supergressa es universas. Fal-
lax gratia, & vana est pulchritudo, mu-
lier timens Dominum, ipsa laudabitur.
Date ei de fructu manuum suarum, &
laudent eam in portis opera ejus.

Gra-

Graduale.

Vultum tuum deprecabuntur omnes, divites plebis, filiae Regum in honore tuo. *V.* Adducentur Regi Virgines post eam, proximæ ejus afferentur tibi in lætitia, & exultatione adducentur in templum Regis.

Tractus.

Veni sponsa CHRISTI, accipe coronam, quam tibi Dominus præparavit in æternum. *Psalm. 44.* Dilexisti justitiam, & odisti iniquitatem, propterea unxit te DEUS, DEUS tuus oleo lætitiæ præ confortibus tuis. *V.* Specie tua & pulchritudine tua intende, prospere procede, & regna.

Sequentia Sancti Evangelii secundum Matthæum. *Matth. 13.*

In illo tempore: dixit JESUS Discipulis suis parabolam hanc: Simile est Regnum Cælorum thesauro abscondito in agro, quem qui invenit homo, abscondit, & præ gaudio illius vadit, & vendit universa quæ habet, & emit agrum illum. Iterum simile est Regnum Cælorum homini negotiatori, quærenti bonas margaritas. Inventa autem una pretiosa margarita, abiit & vendidit omnia, quæ habuit, & emit eam. Iterum simile est Regnum Cælorum sagenæ missæ in mare, & ex omni genere piscium congreganti. Quam, cum impleta esset, educentes & secus littus sedentes, elegerunt bonos in vasa, malos autem foras miserunt. Sic erit in consummatione sæculi. Exibunt Angeli, & separabunt malos de medio justorum, & mittent eos in caminum ignis; ibi erit fletus, & stridor dentium. Intellexistis hæc omnia? Dicunt ei: etiam. Ait illis: Ideo omnis scribe doctus in Regno Cælorum, similis est homini patrifamilias, qui profert de thesauro suo nova & vetera.

Offertorium.

Non enim judicavi me scire aliud, nisi JESUM CHRISTUM, & hunc Crucifixum.

Secunda.

Per hæc sacra Mysteria concede nobis Domine, ut sicut Beata Helena misericorditer tribuisti, ut Filium tuum Crucifixum in corde semper gestaret, ita & nos eum in cordibus nostris perpetuo deferamus. Per eundem &c.

In Quadragesima Communio. Fuit & Præfatio Quadragesimæ.

Communio.

Ascendam in Palmam, & apprehendam fructus ejus.

Postcommunio.

Concede nobis misericors DEUS, ut qui salutiferæ Crucis tuæ fructu in terra sumus recreati, per intercessionem Beatae Helenæ eodem jugiter perfrui mereamur in Cælis. Qui vivis &c.

In Quadragesima Commemoratio Petri & ultimi Evangelium de eadem.

DIE IV. MARTII.

In festo S. Casimiri Confessoris, duplex,

Missa. Os justis. de Communi Confessorum Pontificis.

ORATIO.

DEUS, qui inter regales delicias intactum a mundi illecebris spiritum Sancti Casimiri Confessoris tui conservasti: fac, quæsumus: ut tui fideles ita in tuo amore firmentur, ut & terrena despiciant, & ad cœlestia semper aspirant. Per Dominum &c.

Pro Commemoratione Sancti Lucii, Papæ & Martyris.

ORATIO.

DEUS, qui nos Beati Lucii Martyris tui atque Pontificis annua solemnitate lætificas: concede propitius: ut cujus natalitia colimus, de ejusdem etiam protectione gaudeamus. Per &c.

Secunda.

Suscipe, misericors DEUS, hæc tuæ plebis obsequia, & cœlestia munera expectantis petitiones propitius exaudi. Per Dominum &c.

De Sancto Lucio.

Secreta.

Munera tibi Domine dicata sanctifica: & intercedente Beato Lucio Martyre tuo atque Pontifice, per eadem nos placatus intende. Per Dominum &c.

Postcommunio.

Celesti alimonia satiati, ad te Domine cuncti confugimus, ut qui multorum criminum pondere premimur, per Sancti Casimiri merita ad te levemur. Per Dominum nostrum &c.

Pro Commemoratione S. Lucii.

Postcommunio.

Hæc nos communio, Domine, purget a crimine: & intercedente Beato Lucio Martyre tuo atque Pontifice, celestis remedii faciat esse consortes. Per Dominum &c.

DIE V. MARTII.

In festo Translationis Sancti Wenceslai
Martyris. **duplex.**

Introitus.

Latabitur justus in Domino, & sperabit in eo, & laudabuntur omnes re-
cti corde. **Psalm.** Exaudi DEUS ora-
tionem meam, cum deprecor: a timore
inimici eripe animam meam.

Gloria Patri &c.

ORATIO.

DEUS, qui Beati Wenceslai nobilitatem in meliorem mutasti dignitatem, & eum per Martyrii palmam ad celestem perduxisti gloriam: ejus precibus nos, quæsumus, ab omni adversitate libera, & æternæ beatitudinis concede perfrui gloria. Per Dominum &c.

Lectio Epistolæ Beati Petri Apostoli.

Charissimi: Communicantes CHRISTI passionibus gaudete: ut in revelatione gloriæ ejus gaudeatis exultantes. Si exprobramini in nomine CHRISTI, beati eritis: quoniam quod est honoris, gloriæ, & virtutis DEI, & qui est ejus Spiritus, super vos requiescit. Nemo au-

tem vestrum patiatut ut homicida, aut fur, aut maledicus, aut alienorum appetitor. Si autem ut Christianus, non erubescat: glorificet autem DEUM in isto nomine. Quoniam tempus est, ut incipiat judicium a domo DEI. Si autem primum a nobis: quis finis eorum, qui non credunt DEI Evangelio? Et si justus vix salvabitur, impius, & peccator ubi parebunt? Itaque hi, qui patiuntur secundum voluntatem DEI, fidei creatori commendent animas suas in benefactis.

Graduale. Justus cum ceciderit, non collidetur: quia Dominus supponit manum suam. **Ps.** Tota die miseretur, & commodat: & semen ejus in benedictione erit.

Tractus. Beatus vir, qui timet Dominum: in mandatis ejus cupit nimis.

Ps. Potens in terra erit semen ejus, generatio rectorum benedicetur.

Ps. Gloria, & divitiæ in domo ejus: & justitia ejus manet in sæculum sæculi.

Sequentia Sancti Evangelii secundum
Matthæum.

In illo tempore: Dixit JESUS Discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdiderit animam suam propter me, inveniet eam. Quid enim prodest homini, si mundum universum lucretur, animæ vero suæ detrimentum patiatut? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Credo.

Offertorium.

Posuisti Domine in capite ejus coronam de lapide pretioso: vitam petiit a te, & tribuisti ei.

Se.

Secreta.

Accepta sit in conspectu tuo, Domine, nostra devotio: & ejus nobis fiat supplicatione salutaris, pro cuius solemnitate defertur. Per Dominum &c.

Communio.

Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris sacri, quæsumus, Domine DEUS noster: ut cuius exsequimur cultum, intercedente Beato Wenceslao Martyre tuo, sentiamus effectum. Per Dominum &c.

DIE IX. MARTII.

S. Catharinæ Bononiensis, Ord. S. Francisci Minor. *dupl. in Dicec. Varmien.*
Missæ ex Communi Virginum. Dilexisti.

ORATIO.

DEUS, qui Ecclesiam tuam Beatæ Catharinæ Virginis præclaris decoras meritis, & gloriosis lætificas miraculis: concede nobis famulis tuis, ut & exemplis ejus in melius reformemur, & patrocinio ab omnibus adversis protegamur. Per Dominum nostrum &c.

DIE X. MARTII.

In festo Sanctorum Cyrilli & Methodii, Confessorum & Pontificum, *in Dicecesi Gnesn. Semiduplex; in Premisl. duplex*
Missæ. Sacerdotes. de Communi Conf. Pontif.

ORATIO.

Omnipotens sempiterne DEUS, qui nos per Beatos Pontifices & Confessores tuos Cyrillum & Methodium ad unitatem fidei Christianæ vocare dignatus es, præsta, quæsumus: ut qui præsentis eorum festivitate lætamur, ipsorum etiam meritis gloriam consequi mereamur æternam. Per Dominum &c.

Tractus.

Qui feminant in lacrymis, in gaudio metent. *Ps.* Euntes ibant, & flebant, mittentes semina sua. *R.* Venientes autem venient cum exultatione, portantes manipulos suos.

Offertorium.

Mirabilis DEUS in sanctis suis: DEUS Israel, ipse dabit virtutem, & fortitudinem plebi suæ: benedictus DEUS.

Secreta.

Oblatis, quæsumus Domine, placare muneribus: & intercedentibus Sanctis tuis Cyrillo & Methodio, a cunctis nos defende periculis. Per Dominum.

Communio.

Quod dico vobis in tenebris, dicite in lumine, dicit Dominus: & quod in aures auditis; prædicate super tecta.

Postcommunio.

Præsta nobis, quæsumus Domine, intercedentibus Sanctis Confessoribus tuis Cyrillo & Methodio, ut quod ore contingimus, pura mente capiamus. Per eundem Dominum &c.

DIE XVII. MARTII.

S. Gertrudis Virginis. *Semiduplex in Dicecesi Gnesnensi & Culmensi.*
Missæ. Dilexisti. Oratio. Indulgentiam tuam. dempto & Martyr. de Comm. Virg.

DIE XVIII. MARTII.

S. Gabrielis Arch-Angeli, *duplex.*
Missæ in novissimo Missali.

DIE XXIII. MARTII.

S. Catharinæ Vastanensis Virginis, *duplex*
Missæ. Dilexisti. de Comm. Virg.

ORATIO.

DEUS, qui Ecclesiam tuam Beatæ Catharinæ Virginis præclaris decoras meritis, & gloriosis lætificas miraculis: concede nobis famulis tuis, ut & exemplis
C
plis

plis ejus in melius reformemur, & patrocinio ab omnibus adversis protegatur. Per Dominum nostrum &c.

FERIA VI. ANTE DOMINIC. PASSION.

De Spinea Corona Domini. *Missa in fine Missalis.*

FERIA VI. POST DOMINIC. IN ALBIS.

De Lancea & Clavis Domini. *Missa in fine Missalis.*

FESTA APRILIS.

DIE XXIII. APRILIS.

In festo Sancti Adalberti Episcopi & Martyris. *duplex.*

Introitus.

Protexisti me DEUS a conventu malignantium, Alleluja: a multitudine operantium iniquitatem, Alleluja, Alleluja. *Psalm.* Exaudi DEUS orationem meam, cum deprecor: a timore inimi- ci eripe animam meam.

Gloria Patri. Protexisti.

ORATIO.

Tuam nobis indulgentiam, quæsumus Domine, Beatus Adalbertus Episcopus & Martyr imploret: ut & delicta nobis clementer ignoscas, & beneficia desiderata concedas. Per Dominum &c.

Lectio Epistolæ Beati Pauli Apostoli ad Hebræos. *Cap. 5.*

Fratres: Omnis Pontifex ex hominibus assumptus, pro hominibus constituitur in iis, quæ sunt ad DEUM: ut offerat dona, & sacrificia pro peccatis. Qui condolore possit iis, qui ignorant, & errant: quoniam & ipse circumdatus est infirmitate. Et propterea debet, quemadmodum pro populo, ita etiam & pro semetipso offerre pro peccatis. Nec quisquam sumit sibi honorem: sed qui vocatur a DEO, tamquam Aaron. Sic & CHRISTUS non semetipsum clarifica-

vit, ut Pontifex fieret: sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es sacerdos in æternum, secundum ordinem Melchisedech.

Alleluja, Alleluja. *Y.* Surrexit Pastor bonus, qui posuit animam suam pro ovibus suis, & pro grege suo mori dignatus est. Alleluja. *Y.* Posuisti Domine super caput ejus coronam de lapide pretioso. Alleluja.

Sequentia Sancti Evangelii secundum Joannem. Cap. 10.

In illo tempore: Dixit JESUS Phariseis: Ego sum pastor bonus. Bonus pastor animam suam dat pro ovibus suis. Mercenarius autem, & qui non est pastor, cuius non sunt oves propriæ, videt lupum venientem, & dimittit oves, & fugit: & lupus rapit, & dispergit oves. Mercenarius autem fugit, quia mercenarius est: & non pertinet ad eum de ovibus. Ego sum pastor bonus: & cognosco oves meas, & cognoscunt me meæ. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient: & fiet unum ovile, & unus pastor.

Credo.

Offertorium.

Posuisti Domine in capite ejus coronam de lapide pretioso: vitam petiit a te, & tribuisti ei. Alleluja.

Secreta.

Sacrificium exhibitum, quæsumus Domine, benignus assume: ut quod nomini tuo in solemnitate Beati Adalberti Martyris tui, atque Pontificis deferimus, nobis profit ad veniam. Per Dominum &c.

Communio.

Ego sum pastor bonus, Alleluja: & cognosco oves meas, & cognoscunt me meæ. Alleluja, Alleluja.

Post.

Postcommunio.

Refecti, Domine, muneribus sacris, supplices te deprecamur: ut indulgentiam tuam nobis intercessio Beati Adalberti Martyris tui atque Pontificis semper imploret. Per Dominum nostrum JESUM CHRISTUM Filium tuum. Qui tecum vivit, & regnat in unitate Spiritus Sancti DEUS.

DIE XXIV. APRILIS.

S. Georgii Martyris. *Semiduplex; in Lithuania duplex, celebraturque XXIII. April. Translato in XXIV. Festo Sancti Adalberti.*

Missa: Protexisti.

DOMINICA II. *vel* III. POST PASCHA.
Festum de SS. Sepulchro Domini nostri JESU CHRISTI.

Introitus. Isaia II.

In die illa erit radix Jesse, qui stat in signum populorum, ipsum gentes deprecabuntur, Alleluja. Et erit Sepulchrum ejus gloriosum, Alleluja, Alleluja.

Psalm. 45. Fluminis impetus lætificat civitatem DEI: Sanctificavit Tabernaculum suum Altissimus. Gloria Patri.

In die illa &c.

Gloria in excelsis.

ORATIO.

Domine JESU CHRISTE, qui pro nobis mortem subire, & in Sepulchro depositus, tertia die resurgere voluisti, concede famulis tuis, ut qui Sepulchri Tui memoriam recolimus, Resurrectionis Tuæ participes esse mereamur. Qui vivis &c.

Commemoratio Dominice occurrentis.

Lectio Actuum Apostolorum. Cap. 13.

In diebus illis: Surgens Paulus, & manu silentium indicens ait: Viri Fratres, Filii generis Abraham, & qui in vobis timent DEUM, vobis verbum salutis hujus missum est. Qui enim habitabant

Jerusalem & principes ejus, ignorantes JESUM & voces Prophetarum, quæ per omne Sabbatum leguntur, judicantes impleverunt, & nullam causam mortis invenientes in eo, petierunt a Pilato, ut interficerent eum. Cumque consummassent omnia, quæ de eo scripta erant, deponentes eum de ligno, posuerunt eum in monumento. DEUS vero suscitavit eum a mortuis tertia die: qui visus est per dies multos his, qui simul ascenderant cum eo de Galilæa in Jerusalem: qui usque nunc sunt testes ejus ad plebem.

Alleluja, Alleluja. Qui expectant mortem, & non venit, quasi effodientes thesaurum; gaudentque vehementer, cum invenerint Sepulchrum, Alleluja.

Currebant duo simul, & ille alius Discipulus præcucurrit citius Petro, & venit primus ad monumentum, Alleluja.

† Sequentia Sancti Evangelii secundum Lucam. *Cap. 24.*

Una Sabbati valde diluculo, venerunt mulieres ad monumentum, portantes quæ paraverunt aromata, & invenerunt lapidem revolutum a monumento, & ingressæ non invenerunt Corpus Domini JESU. Et factum est, dum mente consternatæ essent de isto, ecce duo Viri steterunt secus illas in veste fulgenti. Cum timerent autem, & declinarent vultum in terram, dixerunt ad illas: Quid quæritis Viventem cum mortuis? Non est hic, sed surrexit. Recordamini qualiter locutus est vobis, cum adhuc in Galilæa esset, dicens: Quia oportet Filium hominis tradi in manus hominum peccatorum & crucifigi, & die tertia resurgere. Et recordatæ sunt verborum ejus, & regressæ a monumento, nunciaverunt hæc omnia illis undecim, & cæteris omnibus. Erat autem Maria Magdalene, & Joanna, & Maria Jacobi, & cæteræ, quæ cum eis erant, quæ dicebant

bant ad Apostolos hæc: Et visa sunt ante illos, sicut deliramentum verba ista, & non crediderunt illis: Petrus autem surgens, cucurrit ad monumentum, & procumbens vidit linteamina sola posita, & abiit secum mirans, quod factum fuerat.

Credo.

Offertorium. Psal. 41.

Transibo in locum Tabernaculi admirabilis usque ad Domum DEI, Alleluja.

Secreta.

DEUS, qui per depositionem Sanctissimi Corporis Filii Tui in Sepulchro, idem Sepulchrum sanctificasti, concede quæsumus, ut in hoc Sepulchro anima & corde habitemus. Per eundem &c.

Commemoratio Dominice.

Præfatio de Resurrectione.

Communio Sap. 9.

Beatus qui audit me, & qui vigilat ad fores meas quotidie, & observat ad postes ostii mei, Alleluja.


Postcommunio.

DEUS, qui nos Sancti Sepulchri Filii Tui lætari facis honore, præsta quæsumus, ut in eodem sepulti, mundo moriamur, & Tibi soli vivamus. Per eundem Dominum &c.

Commemoratio & Evangelium ultimum Dominice.

DOMINICA II vel III. POST PASCHA.

Festum Patrocinii S. Iosephi, *duplex.*
Missæ propr. in Missali.



FESTA MAJI.

DIE II. MAJI.

In festo S. Sigismundi, Regis & Martyris.
Duplex in Dicecesi Plorensi.

Missæ. Protexisti. De Commun. Mart. tyr. tempore Paschal.

ORATIO.

DEUS, qui Beatum Sigismundum Regem, temporali, & æterno diademate cum desiderata Martyrii corona honorare dignatus es: tribue, quæsumus, ut qui ejus merita veneramur in terris, ipsius intercessione ab omnibus protegamur adversis. Per Dominum.

Secreta.

Concede quæsumus Rex æterne: ut hujus sacrificii munus oblatum, interventu Sancti Sigismundi, Regis & Martyris, fragilitatem nostram ab omni adversitate semper protegat, & muniat. Per Dominum &c.

Postcommunio.

Purificent nos, quæsumus Rex æterne, tua percepta sacramenta: & intercessione Beati Sigismundi, Regis & Martyris tui, ab omni malo expiatis, tibi nos reddant acceptos. Per Dominum &c.

DIE IV. MAJI.

In festo S. Floriani Martyris, *duplex.*

Missæ. Protexisti. De Commun. Mart. tempore Paschal.

ORATIO.

DEUS, qui nos Beati Floriani Martyris tui solemnitate lætificas: concede propitius: ut cujus gloriosum triumphum veneramur in terris, societatis ejus lætitiâ adipisci mereamur in cælis. Per Dominum &c.

Secreta.

Hanc oblationis hostiam, quæsumus omnipotens DEUS, Beati Floriani Martyris tui digna commendet oratio: qui sancto charitatis tuæ devictus amore, propriam sui corporis hostiam in odorem suavitatis tibi obtulit vivam. Per Dominum &c.

Postcommunio.

Sancta nos, quæsumus Domine, sacramenti cælestis participatio, & ab hostium callido tueatur incurfu: & sancto Floriano intercedente, nobis remedia

Ano Dni 1791 Ex Mandato Loc. ordinarii Vener.
emanato in F. to S. Stanislai C. M. Fiat perpetuis
temporibus collecta gratiar Actionis: Deus cuius
misericordia et numerus &c. posita post Missam
Votivam ad Trinitatis

dia
Do

In fo

M

dia salutis conferant sempiterna. Per
Dominum &c.

DIE VIII. MAJI.

In festo S. Stanislai Episcopi & Martyris.

duplex.

*Missa. Protexisti. ut xxiii. April. su-
pra. Oratio, Secreta & Postcomm. ut in
Romano.*

DIE XIII. MAJI.

In festo S. Servatii Episc. Conf. *dupl. in*

Diocesi Gnesnensi.

Missa. Statuit.

ORATIO.

DEUS, qui populo tuo sanctum dedi-
sti Servatium prædicatorem, con-
cede quæsumus, ut nos tanti Pontificis
intercessione, & tuæ pietatis defensione,
ab omnibus ubique liberemur adversis,
& tranquilla prosperitate, in tua jugiter
laude lætemur. Per Dominum &c.

DIE XVI. MAJI.

In festo S. Joannis Nepomuceni, Mart.

duplex.

*Missa. Protexisti. De Commu-
n. Martyr. tempore Paschali. Extra tempus
Pasch. Missa. Lætabitur.*

ORATIO.

DEUS, qui ob invictum Beati Joannis
Sacramentale silentium nova Eccle-
siam tuam Martyrii corona decorasti: da
nobis ejus intercessione, & exemplo lin-
guam caute custodire, ac omnia potius
mala, quam animæ detrimentum, in hoc
sæculo tolerare. Per Dominum &c.

Secreta.

Per hæc tua, Domine, sacra Mysteria
illo nos charitatis igne accendamus,
quo inclytus Martyr Joannes eadem per-
agendo flagrabat. Per Dominum &c.

Postcommunio.

Spiritum, Domine, fortitudinis hæc
nobis tribuat mensa cœlestis, quæ
Beati Martyris tui Joannis tentatam con-
tra honorem Sacramenti constantiam,

jugiter aluit ad victoriam. Per Domi-
num nostrum. In unitate ejusdem.

Alia Missa propria.

Introitus.

Dedit mihi Dominus linguam merce-
dem meam: & in ipsa laudabo
eum. Alleluja. Alleluja.

Psalmus. Dixi: Custodiam vias meas:
ut non delinquam in lingua mea. Glo-
ria Patri &c. Dedit &c.

ORATIO. Deus, qui &c.

Lectio Libri Sapientiæ.

Stultus a fenestra respiciet in domum:
vir autem eruditus foris stabit. Stul-
titia hominis auscultare per ostium: &
prudens gravabitur contumelia. Labia
imprudentium stulta narrabunt: verba au-
tem prudentium statim ponderabuntur.
In ore fatuorum cor illorum; & in cor-
de sapientium os illorum. Dum male-
dicit impius diabolum, maledicit ipse
animam suam. Susurro coinquinabit
animam suam, & in omnibus odietur; &
qui cum eo manserit, odiosus erit: taci-
tus & sensatus honorabitur.

Tempore Paschali.

Alleluja, Alleluja. *Ps.* Beatus, qui lin-
gua sua non est lapsus, & qui non servi-
vit indignis se. Alleluja.

Ps. Lingua pravorum peribit. Lin-
gua autem sapientum est sanitas. Allel.

Extra Tempus Paschale.

Graduale. Qui ambulat fraudulen-
ter, revelat arcana: qui autem fidelis
est animi, celat.

Ps. Domine, quis habitabit in taber-
naculo tuo, aut quis requiescet in mon-
te sancto tuo? Qui non egit dolum in
lingua sua, nec fecit proximo suo ma-
lum. Alleluja, Alleluja.

Ps. Beatus qui lingua sua non est lap-
sus, & qui non servivit indignis se, All.

† Sequentia Sancti Evangelii secundum
Matthæum.

In illo tempore: Cum audisset Joannes
in vinculis opera CHRISTI, mittens
duos

duos ex Discipulis suis, ait illi: Tu es qui venturus es, an alium expectamus? Et respondens Jesus ait illis: Euntes renuntiate Joanni, quæ audistis & vidistis. Cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur; & beatus qui non fuerit scandalizatus in me. Illis autem abeuntibus, cæpit Jesus dicere ad turbas de Joanne: Quid existis in desertum videre? Arundinem vento agitatam? Sed quid existis videre? Hominem mollibus vestitum? Ecce, qui mollibus vestiuntur, in domibus Regum sunt. Sed quid existis videre? Prophetam? Etiam dico vobis, & plus quam Prophetam. Hic est enim, de quo scriptum est: Ecce, ego mitto Angelum meum ante faciem tuam, qui præparabit viam tuam ante te.

Offertorium.

Non duplices sermonem de revelatione sermonis absconditi; & eris vere sine confusione: & invenies gratiam in conspectu omnium hominum. Alleluja, Alleluja.

Secreta. Per hæc &c.

Communio.

Volavit ad me unus de Seraphim; & in manu ejus calculus, quem tulerat de altari: & tetigit os meum. Alleluja, Alleluja.

Postcommunio. Spiritum, Domine &c.

DIE XVIII. MAJI.

S. Erii, Regis & Martyris, *duple.*

Missa. Protexisti.

ORATIO.

DEUS, qui Beato Erico, Regi & Martyri tuo, victoriæ palmam & cælestis regni gloriam contulisti: fac nos, quæsumus ejus meritis, & intercessione cuncta nobis adversantia vincere, & coronam gloriæ in cælis feliciter obtinere. Per Dominum &c.

DIE XXV. MAJI.

In festo S. Joannis de Predo, Martyr.

Semiduplex.

ORATIO.

DEUS, qui contra Mahometicam pravitatem Beatum Joannem Præconem eximium effecisti, concede: ut sicut ipse pro tuæ fidei dilatione Martyrii palmam meruit obtinere; sic nos ejus intercessione fidei nostræ præmia consequi mereamur. Per Dominum &c.

DOMINICA V. POST PASCHA.

Dedicatio Basilicæ Assisiensis. *Missa*

de Communi Dedicat.

FESTA JUNII.

FERIA VI. POST OCTAV. CORPORIS CHRISTI.

Festum SS. Cordis Jesu.

Introitus. Hierem. in Thir. c. 3.

Miserebitur secundum multitudinem miserationum suarum; non enim humiliavit ex Corde suo, & abjecit Filios hominum: bonus est Dominus sperantibus in Eum, animæ quærenti illum. Alleluja, Alleluja.

Psalm. 88. Misericordias Domini in æternum cantabo: in generationem, & generationem. Gloria Patri.

Miserebitur.

ORATIO.

Concede, quæsumus, Omnipotens DEUS, ut qui in sanctissimo dilecti Filii tui Corde gloriantes, præcipua in nos Charitatis ejus beneficia recolimus: eorum pariter & actu delectemur, & fructu. Per eundem Dominum &c.

Lectio Isaia Prophetæ. *Cap. 12.*

Confitebor Tibi Domine, quoniam iratus es mihi: Conversus est furor tuus, & consolatus es me. Ecce DEUS Salvator meus, fiducialiter agam, & non timebo; quia fortitudo mea, & laus mea Dominus, & factus est mihi in salutem.

Hau.

Haurietis aquas in gaudio de fontibus Salvatoris. Et dicetis in illa die: Confitemini Domino, & invocate Nomen Ejus, mementote, quoniam excelsum est Nomen Ejus. Cantate Domino, quoniam magnifice fecit, annuntiate hoc in universa terra. Exulta, & lauda habitatio Sion, quia magnus in medio Tui Sanctus Israel.

Graduale Jerem. Thren. Cap. 1

Ovos omnes, qui transitis per viam, attendite, & videte, si est dolor sicut dolor meus.

Cum dilexisset suos, qui erant in mundo, in finem dilexit eos. Alleluja. Alleluja.

Matth. 2, 29. Discite a me, quia mitis sum, & humilis Corde, & invenietis requiem animabus vestris. Alleluja.

Sequentia Sancti Evangelii secundum Joannem. *Cap. 19, 34*

In illo tempore Judæi, quoniam Parascève erat, ut non remanerent in Cruce corpora Sabbato (erat enim magnus dies ille Sabbati) rogaverunt Pilatum, ut frangerentur eorum crura, & tollerentur. Venerunt ergo milites, & primi quidem fregerunt crura, & alterius, qui crucifixus est cum eo. Ad Jesum autem cum venissent, ut viderunt Eum jam mortuum, non fregerunt Ejus crura: sed unus militum lancea latus ejus aperuit, & continuo exivit sanguis, & aqua; Et qui vidit testimonium perhibuit, & verum est testimonium ejus.

Credo.

Offertorium. Psalm. 102.

Benedic anima mea Domino, & noli oblivisci omnes retributiones ejus, qui replet in bonis desiderium tuum. Alleluja.

Secreta.

Tuere nos Domine, tua Tibi Holocausta offerentes; ad quæ, ut ferventius corda nostra præparentur, flammis adure Tuæ divinæ Charitatis. Qui vivis & regnas.

Præfatio de Passione.

Communio Ps. 68.

Improperium expectavit Cor meum, & miseriam, & sustinui, qui simul contristaretur, & non fuit; & qui consolaretur, & non inveni. Alleluja.

Postcommunio.

Pacificis pasti delicis, & salutaribus Sacramentis, Te supplices exoramus, Domine DEUS noster, ut qui mitis es, & humilis Corde, nos a vitiorum omnium labe purgatos, propensius facias a superbis sæculi vanitatibus abhorrere. Qui vivis & regnas.

DIE III. JUNII.

In festo S. Erasmi, Episcopi & Martyris.

duplex. in Diocesi Picensi. alibi ad libit.

Missa de Comm. Mart. Pont. pro divers. tempor.

ORATIO.

DEUS, cujus virtute Beatus Erasmus Martyr & Pontifex, multa tormentorum genera superavit: fac nos, quæsumus, ejus intercessione, universas insidias inimicorum nostrorum visibilibus, & invisibilibus cum gaudio superare, & in Christo bonis operibus abundare. Per Dominum &c.

Secreta.

Munera tibi Domine dicata sanctifica: & intercedente Beato Erasmo Martyre tuo atque Pontifice, per eadem nos placatus intende. Per Dominum &c.

Postcommunio.

Refecti participatione muneris sacri, quæsumus Domine DEUS noster: ut cujus exequimur cultum, intercedente Beato Erasmo Martyre tuo, atque Pontifice sentiamus effectum. Per Dominum &c.

DIE XIII. JUNII.

In festo S. Antonii de Padua, Confess.

Missa ut in Missali Rom. suo ordine.

DIE XVI. JUNII.

S. Bennonis Episcopi Conf. *duplex.*
Missa Statuit. De Comm. Conf. Pont.

ORATIO.

DEUS, qui nos Beati Bennonis Pontificis confessione gloriosa circumdas, & protegis: da nobis & ejus imitatione proficere, & intercessione gaudere. Per Dominum &c.

DIE XIX. JUNII.

S. Bonifacii Episcopi Mart. *Semiduplex.*
Missa ex Comm. unius Mart. Pont.

DIE XXI. JUNII.

S. Aloysii Gonzaga Conf. non Pont.
duplex. Missa propria in fine Missalis.

DIE XXII. JUNII.

In festo S. Æschili, Episcopi & Martyris.
duplex.

Missa. Sacerdotes. de Comm. Mart. Pontif.

ORATIO.

DEUS, qui Beatum Æschilum Pontificem tuum, pro fidei dilatatione Martyrium subire voluisti: præsta quæsumus; ut omnes, qui ejus implorant auxilium, petitionis suæ salutarem consequantur effectum. Per Dominum &c.

DIE XXVII. JUNII.

S. Ladislai Regis Hungariæ Conf.
duplex in Diocesi Vlnensi, Samogit. Livonia.

Missa ex 25. August. Festo S. Ludovici Confessoris.

ORATIO.

DEUS, qui Beatum Regem Ladislaum Confessorem tuum diversis decorasti miraculis, præsta quæsumus, ut ejus suffragantibus meritis, ab omnibus semper muniamur adversis, & gaudiis perfruamur æternis. Per Dominum &c.

DIE XXIX. JUNII.

Festo SS. Petri & Pauli Apost. *feri debet*
Commemoratio OO. SS. Apostolorum.

ORATIO.

Da quæsumus, omnipotens DEUS, ut Beatorum Apostolorum, quam commemoramus, veneranda solemnitas, & devotionem nobis augeat, & salutem. Per Dominum &c.

Secreta.

Apostolici reverentia culminis offerentes tibi sacra mysteria, Domine quæsumus; ut Beatorum Apostolorum tuorum suffragiis, quorum commemorationem facimus, plebs tua semper & sua vota depromat, & desiderata percipiat. Per Dominum &c.

Postcommunio.

Sanctorum Apostolorum tuorum, quæsumus Domine, supplicatione placatus, & veniam nobis tribue, & remedia sempiterna concede. Per Dominum.

DOMINICA I. POST OCTAVAM SS. PETRI & PAULI.

Festum Sanctorum Patronorum Regni Sueciæ.

Introitus.

Gaudeamus omnes in Domino, diem festum celebrantes sub honore Sanctorum omnium, de quorum solemnitate gaudent Angeli, & collaudant Filium DEI. *Psalm.* Exultate Justi in Domino: rectos decet collaudatio.

Gl. Gloria Patri.

ORATIO.

Infirmi-
tatem nostram, quæsumus Domine, propitius respice: & mala omnia, quæ pro peccatis nostris juste mere-
mur, Sanctorum tuorum hujus Regni Patronorum intercessione clementer a-
verte. Per Dominum &c.

LECTIO Libri Sapientie.

Justorum animæ in manu DEI sunt, & non tanget illos tormentum mortis. Vixi sunt oculis insipientium mori: & æsti-

æstimata est afflictio exitus illorum; & quod a nobis est iter, exterminium: illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis bene disponentur: quoniam DEUS tentavit eos, & invenit eos dignos se. Tamquam aurum in fornace probavit illos, & in tempore erit respectus illorum. Fulgebunt iusti, & tamquam scintillæ in arundinetis discurrent. Judicabunt nationes, & dominabuntur populis, & regnabit Dominus illorum in perpetuum.

Graduale.

Timete Dominum omnes Sancti eius: quoniam nihil deest timentibus eum.

V. Inquirentes autem Dominum non deficient omni bono. Alleluja, Alleluja.

R. Venite ad me omnes, qui laboratis, & onerati estis, & ego reficiam vos. Alleluja.

† Sequentia Sancti Evangelii secundum Joannem.

In illo tempore: Videns JESUS turbas, ascendit in montem; & cum sedisset, accesserunt ad eum discipuli eius: & aperiens os suum, docebat eos, dicens: Beati pauperes spiritu: quoniam ipsorum est regnum cælorum. Beati mites: quoniam ipsi possidebunt terram. Beati, qui lugent: quoniam ipsi consolabuntur. Beati, qui esuriunt, & sitiunt justitiam; quoniam ipsi saturabuntur. Beati misericordes: quoniam ipsi misericordiam consequentur. Beati mundo corde: quoniam ipsi DEUM videbunt. Beati pacifici: quoniam filii DEI vocabuntur. Beati, qui persecutionem patiuntur propter justitiam: quoniam ipsorum est regnum cælorum. Beati estis, cum maledixerint vobis, & persecuti vos fuerint, & dixerint omne malum adversum vos, mentientes, propter me: gaudete, & exultate, quoniam merces vestra copiosa est in cælis.

Credo.

Offertorium.

Justorum animæ in manu DEI sunt, & non tanget illos tormentum malitiæ: visi sunt oculis insipientium mori, illi autem sunt in pace.

Secreta.

Munera tibi, Domine, nostræ devotionis offerimus: quæ & pro cunctis tibi grata sint honore justorum, & nobis salutaria, te miserante, reddantur. Per Dominum &c.

Communio.

Beati mundo corde, quoniam ipsi DEUM videbunt: beati pacifici, quoniam filii DEI vocabuntur: beati, qui persecutionem patiuntur propter justitiam, quoniam ipsorum est regnum cælorum.

Postcommunio.

Da, quæsumus, Domine DEUS noster: ut sicut tuorum commemoratione Sanctorum, temporali gratulamur officio; ita perpetuo lætemur aspectu. Per Dominum &c.

FESTA JULII

DIE VII. JULII.

S. Pulcheriæ Imperatricis Virg.

Ingressus.

Vultum tuum deprecabuntur omnes divites plebis, adducentur Regi virgines post eam: proximæ ejus adducentur tibi in lætitia, & exultatione.

Psalm. 44. Eruçtavit cor meum verbum bonum: dico ego opera mea Regi.

V. Gloria Patri. Vultum &c.

ORATIO.

DEUS, qui Beatam Pulcheriam Virginem tuam singulari castitatis prærogativa decorasti, quique illi ad defendendam Ecclesiam tuam summum Fidei amorem tribuere voluisti; concede, ut ejus intercessione tibi puris mentibus inhærentes, ab omnium hostium insidiis

diis misericorditer liberemur. Per Dominum &c.

Lectio Epistolæ Beati Pauli Apostoli ad Corinthios. **i. Cap. 7.**

Fratres, de virginibus præceptum Domini non habeo: consilium autem do, tanquam misericordiam consecutus a Domino, ut sim fidelis. Existimo ergo hoc bonum esse propter instantem necessitatem: quoniam bonum est homini sic esse. Alligatus es uxori? Noli quærere solutionem. Solutus es ab uxore? Noli quærere uxorem. Si autem acceperis uxorem, non peccasti. Et si nupserit virgo, non peccavit. Tribulationem tamen carnis habebunt huiusmodi. Ego autem vobis parco. Hoc itaque dico, fratres: tempus breve est. Reliquum est, ut & qui habent uxores, tamquam non habentes sint.

Graduale.

Specie tua, & pulchritudine tua: intende, prospere procede, & regna.

Propter veritatem, & mansuetudinem, & iustitiam: & deducet te mirabiliter dextera tua. Alleluja, Alleluja.

Filiæ regum in honore tuo, astitit Regina a dextris tuis in vestitu deaurato, circumdata varietate. Alleluja.

✠ **Sequentia Sancti Evangelii secundum Joannem. Cap. 17.**

In illo tempore dixit JESUS: Hæc est autem vita æterna, ut cognoscant te solum DEUM verum, & quem misisti JESUM CHRISTUM. Ego te clarificavi super terram, opus consummavi, quod dedisti mihi ut faciam. Et nunc clarifica me tu Pater apud te ipsum claritate, quam habui, priusquam mundus esset apud te. Manifestavi nomen tuum hominibus, quos dedisti mihi de mundo: tui erat, & mihi eos dedisti, & sermonem tuum servaverunt. Nunc cognoverunt, quia omnia, quæ dedisti mihi, abs te sunt: quia verba, quæ dedisti mihi, dedi eis, & ipsa acceperunt, & cog-

noverunt vere quia a te exivi, & crediderunt, quia tu me misisti.

Offertorium.

Tu gloria Hierusalem, tu lætitia Israël, tu honorificentia populi nostri; quia fecisti viriliter, & confortatum est cor tuum, eo quod castitatem amaveris.

Secreta.

Accepta tibi sit, Domine, sacratæ plebis oblatio pro tuorum honore sanctorum, quorum se meritis de tribulatione percepisse cognoscit auxilium. Per.

Communio.

Quam pulchra est casta generatio cum claritate: immortalis est enim memoria illius: quoniam & apud DEUM nota est, & apud homines.

Postcommunio.

Satiasti, Domine, familiam tuam muneribus sacris: ejus, quæsumus, semper interventione nos refove, cujus solennia celebramus. Per Dominum &c.

DIE IX. JULII.

SS. Martyrum Gorcomiensium, duplex in Dioc. Positanensi, Plorensi & Varmienti ad libit.

Missa. Intret in conspectu. **De Comm. Martyr.**

ORATIO.

DEUS, qui Beatorum Martyrum tuorum Nicolai & Sociorum ejus, gloriosum pro fide tua certamen æternitatis laurea decorasti, concede propitius, ut eorum meritis & imitatione certantes in terris cum ipsis coronari mereamur in cælis. Per Dominum &c.

DIE XIII. JULII.

S. Margaritæ Virginis & Martyris. dupl.

Missa. Me expectaverunt. **De Comm. Virg. & Mart.**

DIE XV. JULII.

In festo Divisionis SS. Apostolorum.

duplex.

Introi-

Introitus. Psalm. 138.

Mihi autem nimis honorati sunt amici tui DEUS: nimis confortatus est principatus eorum. *Psalm.* Domine probasti me, & cognovisti me: tu cognovisti sessionem meam, & resurrectionem meam. *Gl.* Gloria Patri.

ORATIO.

DEUS, qui in tuorum Divisione Apostolorum gentium multitudinem in unitate fidei ad agnitionem tui sancti nominis convocasti: aures tuæ pietatis Ecclesiæ precibus inclina, & concede, ut, quorum prædicatione te cognovimus, horum obtentu in confessione veritatis tuæ fideliter firmiterque maneamus. Per Dominum &c.

Lectio Actuum Apostolorum. Cap. 5.

In diebus illis: per manus Apostolorum fiebant signa & prodigia multa in plebe. Et erant unanimiter omnes in porticu Salomonis. Cæterorum autem nemo audebat se conjungere illis: sed magnificabat eos populus. Magis autem augebatur credentium in Domino multitudo virorum ac mulierum: ita ut in plateas ejicerent infirmos, & ponerent in lectulis, & grabatis, ut, veniente Petro, saltem umbra illius obumbraret quemquam illorum, & liberarentur ab infirmitatibus suis. Concurrebat autem & multitudo vicinarum civitatum Jerusalem, afferentes ægros, & vexatos a spiritibus immundis: qui curabantur omnes.

Graduale.

Psalm. 44. Constitues eos principes super omnem terram: memores erunt nominis tui Domine.

Gl. Pro Patribus tuis nati sunt tibi filii; propterea populi confitebuntur tibi. Alleluja, Alleluja.

Gl. Luc. 22. Rogavi pro te Petre, ut non deficiat fides tua: & tu aliquando conversus, confirma fratres tuos. Alleluja.

Sequentia Sancti Evangelii secundum Lucam. Cap. 20.

In illo tempore: Designavit Dominus & alios septuaginta duos, & misit illos binos ante faciem suam in omnem civitatem, & locum, quo erat ipse venturus. Et dicebat illis: Messis quidem multa, operarii autem pauci. Rogate ergo Dominum messis, ut mittat operarios in messem suam. Ite: ecce ego mitto vos sicut agnos inter lupos. Nolite portare sacculum, neque peram, neque calceamenta: & neminem per viam salutaveritis. In quamcunque domum intraveritis, primum dicite: Pax huic domui: & si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes, & bibentes, quæ apud illos sunt: dignus est enim operarius mercede sua. Nolite transire de domo in domum. Et in quamcunque civitatem intraveritis, & susceperint vos, manducate, quæ apponuntur vobis, & curate infirmos, qui in illa sunt, & dicite illis: appropinquavit in vos regnum DEI.

Credo.

Offertorium. Psalm. 18.

In omnem terram exivit sonus eorum; & in fines orbis terræ verba eorum.

Secreta.

Hostias, Domine, quas nomini tuo sacrandas offerimus, Apostolica prosequatur oratio: per quam nos expiari tribuas, & defendi. Per Dominum.

Præfatio de Apostolis

Communio.

Vos, qui secuti estis me, sedebitis super sedes: judicantes duodecim Tribus Israel.

Postcommunio.

Quos cœlesti, Domine, alimento satiasti: Apostolicis intercessionibus ab omni adversitate custodi. Per Dominum &c.

DIE XV. JULII.

Commemoratio S. Davidis Abbatis.
Ex Missa. Os justi. ut in Comm. Abbatum.

DIE XVI. JULII.

SS. Eremitarum Andreæ & Benedicti,
Martyr. *duplex.*
Missa. Intret in conspectu. de Comm. plurim. Mart.

DIE XVIII. JULII.

S. Simonis de Lipnica Conf. *Semidupl.*
Missa. Os justi. de Communi Confess. non Pontif.

ORATIO.

Omnipotens sempiterne DEUS, qui Beatum Simonem Confessorem tuum Evangelicæ prædicationis gratia sublimasti, concede propitius; ut ejus salutaris doctrinæ pabulo nutriti, quæ tibi sunt placita, exsequentes, per semitas justitiæ ad cœlestem patriam feliciter pervenire valeamus. Per Dominum &c.

DIE XIX. JULII.

S. Joannis de Dukla Conf. *dupl.*
Missa. Os justi. de Comm. Conf. non Pontif.

ORATIO.

DEUS, qui Beatum Joannem Confessorem tuum eximiæ humilitatis, & patientiæ donis decorasti: concede propitius, ut ejusdem imitantes exempla, consequamur & præmia. Per Dom.

DIE XX. JULII.

S. Ceslai Confessoris, *duplex.*
Missa. Os justi. de Comm. Conf. non Pontif. Evang. Designavit Dominus. Ex Missa S. Marci xxv. April.

ORATIO.

DEUS, qui Beatum Ceslaum virgineo morum candore præditum, & salutis animarum zelo succensum in diversis nationum populis, operum sanctitate, & fidei propagatione mirabilem effeci-

sti: præsta quæsumus, ut ejus intercessionem, sumus semper in fide stabiles, & ad te, qui solus es æternæ salutis auctor ac largitor, misericordiæ tuæ munere pervenire valeamus. Per Dominum &c.

DIE XXI. JULII.

S. Hieronymi Emiliani, Confessoris.
Innoctus. Jerem. xlv. 2. n.

Effusum est in terra jecur meum super contritione filiarum populi mei, cum deficeret parvulus, & lactens in plateis oppidi. *Psal. 12.* Laudate pueri Dominum: laudate nomen Domini. Gloria Patri &c. Effusum est &c. Gloria in excelsis &c.

OREMUS.

DEUS, misericordiarum Pater, per merita, & intercessionem Beati Hieronymi, quem Orphanis adiutorem, & patrem esse voluisti: concede, ut spiritum adoptionis, quo Filii tui nominamur, & sumus, fideliter custodiamus. Per Dominum &c.

Lectio Isaia Proph. *cap. 58. v. 7.*

Frange esurienti panem tuum, & egenos, vagosque induc in domum tuam: cum videris nudum, operi eum, & carnem tuam ne despexeris. Tunc erumpet quasi mane lumen tuum, & sanitas tua citius orietur, & anteibit faciem tuam justitia tua, & gloria Domini colliget te. Tunc invocabis, & Dominus exaudiet: clamabis, & dicet: Ecce adsum; si abstuleris de medio tui catenam, & desieris extendere digitum, & loqui quod non prodest. Cum effuderis esurienti animam tuam, & animam afflictam repleveris, orietur in tenebris lux tua, & tenebræ tuæ erunt sicut meridies. Et requiem tibi dabit Dominus semper, & implebit splendoribus animam tuam, & ossa tua liberabit, & eris quasi hortus irriguus, & sicut fons aquarum, cujus non deficient aquæ.

Graduale. Prov. 5. v. 16. Deriventur fontes tui foras, & in plateis aquas tuas divide.

divide. *Psalm. cxii.* Jucundus homo, qui miseretur, & commodat: disponet sermones suos in iudicio, quia in æternum non commovebitur. Alleluja, Alleluja. Disperfit, dedit pauperibus, iustitia ejus manet in sæculum sæculi. Alleluja.

Post Septuag. omittis Alleluja, & Vers. sequenti dicitur

Tractus. Job. 31. v. 16. &c. Si negavi, quod volebant, pauperibus, & oculos viduæ exspectare feci.

Psalm. cxii. Si comedi buccellam meam solus, & non comedit pupillus ex ea.

Psalm. cxii. Quia ab infantia crevit mecum miseratio, & de utero matris meæ egressa est mecum.

Tempore Paschali in Missis votivis omittitur Graduale, & ejus loco dicitur Alleluja, Alleluja.

Psalm. cxii. Disperfit, dedit pauperibus: iustitia ejus manet in sæculum sæculi, Alleluja. *Psalm. 83.* Elegi abjectus esse in domo DEI mei, magis quam habitare in tabernaculis peccatorum, Allel.

† *Sequentia Sancti Evangelii secundum Matthæum. Cap. 19. v. 13.*

In illo tempore oblatis sunt ei parvuli, ut manus eis imponeret, & oraret. Discipuli autem increpabant eos. JESUS vero ait eis: Sinite parvulos, & nolite eos prohibere ad me venire: talium est enim regnum cælorum. Et cum imposuisset eis manus, abiit inde. Et ecce unus accedens, ait illi: Magister bone, quid boni faciam, ut habeam vitam æternam? Qui dixit ei: Quid me interrogas de bono? Unus est bonus, DEUS. Si autem vis ad vitam ingredi, serva mandata: Dicit illi: Quæ? JESUS autem dixit: Non homicidium facies: Non adulterabis: Non facies furtum: Non falsum testimonium dices: Honora patrem tuum, & matrem tuam: & diliges proximum tuum sicut te ipsum. Dicit illi adolescens: Omnia hæc custodivi a

juventute mea, quid adhuc mihi deest? Ait illi JESUS: Si vis perfectus esse, vade, vende, quæ habes, & da pauperibus, & habebis thesaurum in cælo: & veni, sequere me.

Offertorium. Tobie 12.

Quando orabas cum lacrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos, ego obtuli orationem tuam Domino.

Secræta.

Clementissime DEUS, qui veteri homine consumpto novum secundum te in B. Hieronymo creare dignatus es: Da per merita ipsius, ut nos pariter renovati hanc placationis hostiam in odorem tibi suavissimum offeramus. Per Dominum &c.

Communio. Jacob. 1. v. 27.

Religio munda, & immaculata apud DEUM, & Patrem hæc est: Visitare pupillos, & viduas in tribulatione eorum, & immaculatum se custodire ab hoc sæculo.

Postcommunio.

Angelorum pane refectione te, Domine, suppliciter deprecamur; ut qui annuam B. Hieronymi Confessoris tui memoriam celebrare gaudemus, ejusdem etiam & exemplum imitemur, & amplissimum in regno tuo præmium obtinere valeamus. Per Dominum &c.

DIE XXIV. JULII.

S. Camilli de Lellis, Confessoris.

Introitus.

Majorem hac dilectionem nemo habet, ut animam suam ponat quis pro amicis suis. *Psalm. 40.* Beatus qui intelligit super egenum, & pauperem; in die mala liberabit eum Dominus. Gloria Patri.

ORATIO.

DEUS, qui Sanctum Camillum ad animarum in extremo agone luctantium

tium subsidium, singulari charitatis prærogativa decorasti, ejus, quæsumus, meritis Spiritum nobis tuæ dilectionis infunde, ut in hora exitus nostri hostem vincere, & ad cœlestem mereamur coronam pervenire. Per Dominum &c. in unitate ejusdem &c.

Lectio Epistolæ Beati Joannis Apostoli.

1. Joan. 3.

Charissimi nolite mirari, si odit vos mundus. Nos scimus, quoniam translati sumus de morte ad vitam, quoniam diligimus fratres. Qui non diligit manet in morte: omnis qui odit fratrem suum, homicida est. Et scitis, quoniam omnis homicida non habet vitam æternam in semetipso manentem. In hoc cognovimus Charitatem DEI, quoniam ille animam suam pro nobis posuit, & nos debemus pro Fratribus animas ponere. Qui habuerit substantiam hujus mundi, & viderit fratrem suum necessitatem habere, & clauferit viscera sua ab eo, quomodo charitas DEI manet in eo? Filioli mei non diligamus verbo, neque lingua, sed opere & veritate.

Graduale. Psal. 36.

Os justii meditabitur Sapientiam, & lingua ejus loquetur judicium. Lex DEI ejus in corde ipsius, & non supplantabuntur gressus ejus. Allel. Allel.

✠. Beatus vir, qui timet Dominum: in mandatis ejus cupit nimis. Alleluja.

✠. Sequentia Sancti Evangelii secundum Joannem. *Cap. 15.*

In illo tempore: Dixit JESUS Discipulis suis: Hoc est præceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si feceritis, quæ ego præcipio vobis. Jam non dicam vos servos, quia servus nescit, quid faciat Dominus ejus. Vos autem dixi amicos; quia omnia quæcunque audivi a Patre meo, nota feci vobis. Non vos

me elegistis, sed ego elegi vos, ut eatis, & fructum afferatis, & fructus vester maneat, ut quodcunque petieritis Patrem in nomine meo, det vobis.

Offertorium. Psal. 20.

In virtute tua Domine lætabitur justus, & super Salutare tuum exultabit vehementer, desiderium animæ ejus tribuisti ei.

Secreta.

Hostia immaculata, qua illud Domini nostri JESU CHRISTI immensæ Charitatis opus renovamus, Sancto Camillo intercedente, sit contra omnes corporis & animæ infirmitates salutare remedium, & in extremo agone solatium, & tutela. Per eundem &c.

Communio. Matth. 25.

Infirmus fui, & visitastis me: Amen amen dico vobis, quamdiu fecistis uni ex his fratribus meis minimis: mihi fecistis.

ORATIO.

Per hæc cœlestia alimenta, quæ Sancti Camilli Confessoris tui Solemnia celebrantes, pia devotione suscepimus, da quæsumus, Domine, ut in hora mortis nostræ Sacramentis resecti, & culpis omnibus expiati, in sinum misericordiæ tuæ læti suscipi mereamur. Qui vivis & regnas &c.

DOMINICA PROXIMA POST
XXIV. JULII.

S. Cunegundæ Virginis, *duplex.*

Missa. Dilexisti.

ORATIO.

DEUS, qui B. Cunegundam dulcedinis tuæ benedictionibus prævenisti, ac Virginem etiam in conjugio conservasti, præsta quæsumus, ut ipsa interveniente per vitæ puritatem tibi jugiter adherere, & per ejus vestigia gradientes, ad te pervenire feliciter mereamur. Per Dominum &c.

Die

DIE XXVI. JULII.

S. Christinæ Virg. Mart.

*duplex in Diocesi Posuiniensi, Plorensi,
Luceonensi, & Varnien.*

*Missæ. Me expectaverunt. de Comm.
Virg. & Mart.*

DIE XXVIII. JULII.

S. Bodvidi Martyris. *duplex.*

*Missæ. Lætabitur justus. ut in Com-
muni Martyris.*

ORATIO

Cordibus nostris, quæsumus Domine,
veræ fidei splendor illuceat: & Bea-
ti Bodvidi Martyris tui salutaris interces-
sio ab instantibus periculis nos defendat.
Per Dominum &c.

Secreta.

Accepta sit in conspectu tuo, Domine,
nostra devotio: & eorum nobis
fiat supplicatione salutaris, pro quorum
solemnitate defertur, Per Dominum &c.

Communio.

Qui mihi ministrat, me sequatur: &
ubi sum ego, illic & minister
meus erit.

Postcommunio.

Refecti participatione muneris sacri,
quæsumus Domine DEUS noster:
ut, cujus exsequimur cultum, interceden-
te Beato Bodvido Martyre tuo, sentia-
mus effectum. Per Dominum &c.

DIE XXIX. JULII.

In festo S. Olavi Regis & Martyris. *dupl.*

*Missæ. In virtute tua. de Comm. unius
Mart. Evangelium ex Missæ. Sacerdotes
Deli. Si quis vult post me venire.*

ORATIO.

DEUS, qui es Regum corona, & Mar-
tyrum victoria: tribue nobis, quæ-
sumus, Beati Olavi Regis & Martyris tui
pia apud te experiri patrocina: ut per
tuam, quam in ejus passione glorifica-
mus, magnificentiam, coronam vitæ di-

ligentibus te percipiamus repromissam.
Per Dominum &c.

Offertorium.

Gloria, & honore coronasti eum, &
constituisti eum super opera ma-
num tuarum Domine.

Secreta.

Muneribus nostris, quæsumus Domi-
ne, precibusque susceptis, & cœ-
lestibus nos munda mysteriis, & clemen-
ter exaudi. Per Dominum &c.

Communio.

Qui vult venire post me, abneget se-
metipsum: & tollat crucem suam,
& sequatur me.

Postcommunio.

Da quæsumus, Domine DEUS noster:
ut, sicut tuorum commemoratione
Sanctorum temporali gratulamur of-
ficio, ita perpetuo lætemur aspectu.
Per Dominum &c.

DIE XXXI. JULII.

In festo S. Helenæ, Viduæ & Mart. *dupl.*

Introitus.

Me expectaverunt peccatores, ut
perderent me: testimonia tua Do-
mine intellexi: omnis consummationis
vidi finem: latum mandatum tuum ni-
mis. *Psal.* Beati immaculati in via: qui
ambulant in lege Domini. *v. Gloria.*

ORATIO.

Largire nobis, quæsumus, clementissi-
me DEUS, intercessione Beatæ Hele-
næ Martyris tuæ, veniam nostrorum pec-
catorum: & quos ejus concedis solem-
niis gloriari, da ejus precibus gloriosis
cœlitus adjuvari. Per Dominum &c.

Lectio Libri Sapientiæ.

Mulierem fortem quis inveniet? Pro-
cul, & de ultimis finibus pretium
ejus. Confidit in ea cor viri sui: & spo-
liis non indigebit. Reddet ei bonum,
& non malum, omnibus diebus vitæ suæ.
Quæsit lanam & linum: & operata est
consilio manuum suarum. Facta est

quasi navis institoris, de longe portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos: & roboravit brachium suum. Gustavit, & vidit, quia bona est negotiatio ejus: non exstinguetur in nocte lucerna ejus. Manum suam misit ad fortia: & digiti ejus apprehenderunt fustum. Manum suam aperuit inopi: & palmas suas extendit ad pauperem. Non timebit domui suæ a frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando federit cum senatoribus terræ. Sindonem fecit, & vendidit, & cingulum tradidit Chananæo. Fortitudo, & decor indumentum ejus, & ridebit in die novissimo. Os suum aperuit sapientiæ: & lex clementiæ in lingua ejus. Consideravit semitas domus suæ: & panem otiosa non comedit. Surrexerunt filii ejus, & beatissimam prædicaverunt: vir ejus & laudavit eam. Multæ filiæ congregaverunt divitias: tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum: & laudent eam in portis opera ejus.

Graduale.

Dilexisti justitiam, & odisti iniquitatem. *Ps.* Propterea unxit te DEUS, DEUS tuus oleo lætitiæ, Alleluja, Alleluja.

Ps. Specie tua, & pulchritudine tua: intende, prospere, procede, & regna, Alleluja.

† Sequentia Sancti Evangelii secundum Matthæum. *Cap. 12.*

In illo tempore: Loquente JESU ad turbas, ecce mater ejus, & fratres stabant foris, quærentes loqui ei. Dixit autem ei quidam: Ecce mater tua, &

fratres tui foris stant, quærentes te. At ipse respondens dicenti sibi, ait: Quæ est mater mea, & qui sunt fratres mei? Et extendens manum in discipulos suos, dixit: Ecce mater mea, & fratres mei. Quicumque enim fecerit voluntatem Patris mei, qui in cœlis est, ipse meus frater, & soror, & mater est.

Offertorium.

Diffusa est gratia in labiis tuis, propterea benedixit te DEUS in æternum, & in sæculum sæculi, Alleluja.

Secreta.

Suscipe Domine munera, quæ in Beatæ Helenæ Martyris tuæ solemnitate deferimus: cujus nos confidimus patrocinio liberari. Per Dominum &c.

Communio.

Principes persecuti sunt me gratis, & a verbis tuis formidavit cor meum: lætabor ego super eloquia tua, & quasi qui invenit spolia multa.

Postcommunio.

Auxilientur nobis, Domine, sumpta mysteria: & intercedente Beata Helena Martyre tua, sempiterna faciant protectione gaudere. Per Dominum.

FESTA AUGUSTI.

DIE II. AUGUSTI.

Commemoratio Sanctæ Catharinæ Vastanensis Virg.

Missæ. ut supra xxiii. Martii.

DIE XVI. AUGUSTI.

S. Rochi Confessoris. *duplex.*

Missæ ex Communi Abbatum.

ORATIO.

DEUS, qui gloriosus es in Sanctis tuis, quique cunctis ad eorum patrocinia confugientibus suæ petitionis salutarem præstas effectum; concede plebi tuæ, ut intercedente B. Rocho Confessore tuo, quæ in ejus commemoratione se

se devotam exhibet, a languore epidemiae, quem in suo corpore pro tui nominis gloria passus est, sit libera; & tuo nomini semper sit devota. Per &c.

DOMINICA PROXIMA POST FESTUM ASSUMPTIONIS B. V. MARIAE.

S. Hyacinthi Confessoris. duplex.

Introitus.

Os iusti meditabitur sapientiam, & lingua ejus loquetur iudicium: lex DEI ejus in corde ipsius. **Psalm.** Noli aemulari in malignantibus: neque zela- veris facientes iniquitatem. **V. Gloria.**

ORATIO.

Adesto Domine, supplicationibus nostris, quas in Beati Hyacinthi Confessoris tui solemnitate deferimus: ut, qui nostrae justitiae fiduciam non habemus, ejus, qui tibi placuit, precibus adjuvemur. Per Dominum &c.

VE ORATIO.

DEUS, qui Beatum Hyacinthum Confessorem tuum, in diversis nationum populis operum sanctitate, & miraculorum gloria fecisti conspicuum: da nobis, ut suis in melius reformemur exemplis, & in adversis protegamur auxiliis. Per Dominum &c.

Secunda Oratio de Octava Assumptionis B. Mariae. Famulorum tuorum.

Tertia de Octava S. Laurentii. Da nobis.

Lectio Epistolae Beati Pauli Apostoli ad Corinthios.

Fratres, spectaculum facti sumus mundo & angelis, & hominibus. Nos stulti propter Christum: vos autem prudentes in Christo. Nos infirmi: vos autem fortes. Vos nobiles: nos autem ignobiles. Usque in hanc horam & esurimus & sitimus, & nudi sumus, & colaphis caedimur, & instabiles sumus, & laboramus operantes manibus nostris. Maledicimur: & benedicimus. Persecutionem patimur: & sustinemus. Blas-

phemamur: & obsecramus. Tanquam purgamenta huius mundi facti sumus, omnium peripsa usque adhuc. Non ut confundam vos, haec scribo: sed ut filios meos charissimos moneo in CHRISTO JESU Domino nostro.

Graduale.

Iustus ut palma florebit: sicut cedrus Libani multiplicabitur in domo Domini. **V.** Ad annuntiandum mane misericordiam tuam, & veritatem tuam per noctem. Alleluja, Alleluja. **V.** Beatus vir, qui suffert tentationem, quoniam cum probatus fuerit, accipiet coronam vitae, Alleluja.

Sequentia Sancti Evangelii secundum Lucam.

In illo tempore: Dixit JESUS discipulis suis: Sint lumbi vestri praecincti, & lucernae ardentes in manibus vestris. Et vos similes hominibus expectantibus Dominum suum, quando revertatur a nuptiis: ut cum venerit, & pulsaverit, confestim aperiant ei. Beati servi illi, quos cum venerit Dominus, invenerit vigilantes. Amen dico vobis, quod praecinget se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit: beati sunt servi illi. Hoc autem scitote, quoniam si sciret paterfamilias, qua hora fur veniret: vigilaret utique, & non sineret perfodi domum suam. Et vos estote parati: quia qua hora non putatis, filius homines veniet.

Gedo.

Offertorium.

Veritas mea, & misericordia mea cum ipso: & in nomine meo exaltabitur cornu ejus.

Secunda.

Praesta nobis, quaesumus omnipotens DEUS: ut nostrae humilitatis oblatio, & pro tuorum tibi grata sit honore sanctorum, & nos corpore pariter & mente purificet. Per Dominum &c.

G

Com-

Communio.

Beatus servus, quem, cum venerit Dominus, invenerit vigilantem: Amen dico vobis, super omnia bona sua constituet eum.

Postcommunio.

Quæsumus, omnipotens DEUS: ut qui cœlestia alimenta percepimus, intercedente Beato Hyacintho Confessore tuo, per hæc contra omnia adversa muniamur. Per Dominum &c.

DIE XVIII. AUGUSTI.

S. Joachim Genitoris B. M. V. Protectoris R. P. & M. D. L.

Missæ A. S. R. Congreg. XI. Maji 1764. approbata.

Introitus. Eccl. 44.

Laudemus virum gloriosum in generatione sua, quia benedictionem omnium gentium dedit illi Dominus, & testamentum suum confirmavit super caput ejus. *Psal. cxi.* Potens in terra erit semen ejus, generatio rectorum benedicetur. Gloria Patri. Laudemus.

ORATIO.

DEUS, qui præ omnibus Sanctis tuis Beatum Joachim Genitricis Filii tui Patrem esse voluisti, concede, quæsumus, ut cujus Festa veneramur, ejus quoque perpetua patrocinia sentiamus. Per eundem Dominum &c.

Commen. Dominice occurr.

Lectio Libri Ecclesiastici. Cap. 44.

Laudemus viros gloriosos, & Parentes nostros in generatione sua. Multam gloriam fecit Dominus magnificentia sua a sæculo. Dominantes in potestatibus suis homines magni virtute, & prudentia sua præditi, nunciantes in Prophetis dignitatem Prophetarum, & imperantes in præsentī populo, & virtute prudentiæ populis sanctissima verba. In peritia sua requirentes modos muscos, & narrantes carmina scripturarum. Homines divites in virtute, pul-

chritudinis studium habentes, pacificantes in domibus suis. Omnes isti in generationibus gentis suæ gloriam adepti sunt, & in diebus suis habentur in laudibus. Qui de illis nati sunt, reliquerunt nomen narrandi laudes eorum.

Graduale. Psal. cxi.

Potens in terra erit semen ejus, generatio rectorum benedicetur. Gloria & divitiæ in domo ejus, & justitia ejus manet in sæculum sæculi, Alleluja, Alleluja.

✠ O Joachim Sancte, Conjux Annæ, Pater almæ Virginis, hic famulis confer salutis opem. Alleluja.

✠ Initium Sancti Evangelii secundum Matthæum. *Cap. 1.*

Liber generationis JESU CHRISTI Filii David, filii Abraham. Abraham genuit Isaac, Isaac autem genuit Jacob, Jacob autem genuit Judam, & fratres ejus. Judas autem genuit Phares, & Zaram de Thamar. Phares autem genuit Efron, Efron autem genuit Aram, Aram autem genuit Aminadab, Aminadab autem genuit Naasson, Naasson autem genuit Salmon, Salmon autem genuit Booz de Rachab. Booz autem genuit Obed ex Ruth, Obed autem genuit Jesse, Jesse autem genuit David Regem, David autem Rex genuit Salomonem ex ea, quæ fuit Uriæ. Salomon autem genuit Roboam, Roboam autem genuit Abiam, Abias autem genuit Asa, Asa autem genuit Josaphat, Josaphat autem genuit Joram, Joras autem genuit Oziam, Ozias autem genuit Joathan, Joathan autem genuit Achaz, Achaz autem genuit Ezechiam, Ezechias autem genuit Manassem, Manasses autem genuit Amon, Amon autem genuit Josiam, Josias autem genuit Jechoniam, & fratres ejus in transmigratione Babylonis. Et post transmigrationem Babylonis Jechonias genuit Salathiel, Salathiel autem genuit Zorobabel, Zorobabel autem genuit Abiud, Abiud autem genuit Eliacim, Eliacim autem

autem genuit Azor, Azor autem genuit Sadoc, Sadoc autem genuit Achim, Achim autem genuit Eliud, Eliud autem genuit Eleazar, Eleazar autem genuit Mathan, Mathan autem genuit Jacob, Jacob autem genuit Joseph, Virum Mariæ, de qua natus es JESUS, qui vocatur CHRISTUS.

Credo.

Offertorium. Eccl. Cap. 44.

Dedit illi Dominus gloriam, & exaltavit semen ejus usque ad terminos terræ.

Secreta.

Suscipe, clementissime DEUS, sacrificium in honorem Sancti Patriarchæ Joachim Patris Mariæ Virginis, Majestati tuæ oblatum: ut ipso cum Conjuge sua, & beatissima prole intercedente, perfectam consequi mereamur remissionem peccatorum, & gloriam sempiternam. Per Dominum &c.

Communio.

Factum est illi testamentum æternum, & semini ejus sicut dies cœli.

Postcommunio.

Quæsumus, omnipotens DEUS, ut per hæc Sacramenta quæ sumpsimus, intercedentibus meritis & precibus Beati Joachim Patris Genitricis dilecti Filii tui Domini nostri JESU CHRISTI, tuæ gratiæ in præsentī, & æternæ gloriæ in futuro participes esse mereamur. Per eundem Dominum &c.

DIE XVIII. AUGUSTI.

In festo B. Claræ de Monte Falcon. V.

ORATIO.

DEUS, qui Beatam Virginem tuam Claram clarificans, in ipsius corpore Passionis tuæ, & Trinitatis Mysteria renovasti: præsta quæsumus, ejus precibus & imitatione sic nos tuæ passionis amaritudinem recordari, ut Trinitatis beatitudine perfrui mereamur. Qui vis & regnas cum DEO Patre &c.

DIE XIX. AUGUSTI.

In festo S. Benignæ Virg. & Mart. duplex. in Diocesi Vladislaviensi.

Missa. Loquebar. De Comm. Virg. & Martyr.

Offertorium.

Diffusa est gratia in labiis tuis, propterea benedixit te DEUS in æternum, & in sæculum sæculi.

Communio.

Quinq̃ prudentes virgines acceperunt oleum in vasis suis cum lampadibus: media autem nocte clamor factus est, ecce sponsus venit, exite obviam CHRISTO Domino.

DOMINICA POST OCTAVAM ASSUMPTIONIS B. V. MARIE.

Translatio S. Casimiri Confessoris, dupl. Missa. Os justi. De Communi Conf. non Pont.

ORATIO.

DEUS, qui B. Casimirum de mundi & carnis victoria triumphantem, a terreno ad cœleste regnum transtulisti; da quæsumus, ut, qui ejus hodie memoriam translationis agimus, ejusdem semper in adversitatibus experiamur suffragia. Per Dominum &c.

DIE XXI. AUGUSTI.

S. Joannæ Franciscæ Fremiot de Chantal.

Introitus. Psalm. 118.

Cognovi Domine, quia æquitas judiciorum tua, & in veritate tua humiliasti me: confige timore tuo carnes meas: a mandatis tuis timui. Psalm. ibid. Beati immaculati in via, qui ambulant in lege Domini. *✠. Gloria Patri.*

ORATIO.

Omnipotens, & misericors DEUS, qui Beatam Joannem Franciscam tuo amore succensam admirabili Spiritus fortitudine per omnes vitæ semitas in via perfectionis donasti; quique per illam illustrare Ecclesiam tuam nova pro-

le voluisti: ejus meritis, & precibus concede, ut qui infirmitatis nostræ conscii de tua virtute confidimus, cœlestis gratiæ auxilio, cuncta nobis adversantia vincamus. Per Dominum &c.

Lectio Libri Sapientiæ. Prov. c. xi.

Mulierem fortem quis inveniet? Procul, & de ultimis finibus pretium ejus. Confidit in ea cor viri sui: & spoliis non indigebit. Reddet ei bonum, & non malum, omnibus diebus vitæ suæ. Quæsit lanam & linum: & operata est consilio manuum suarum. Facta est quasi navis institoris, de longe portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudinem lumbos suos, & roboravit brachium suum. Gustavit, & vidit, quia bona est negotiatio ejus: non extinguetur in nocte lucerna ejus. Manum suam misit ad fortia, & digiti ejus apprehenderunt furtum. Manum suam aperuit inopi, & palmas suas extendit ad pauperem. Non timebit domui suæ a frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando sederit cum senatoribus terræ. Sindonem fecit, & vendidit, & cingulum tradidit Chananæo. Fortitudo, & decor indumentum ejus, & ridebit in die novissimo. Os suum aperuit sapientiæ, & lex clementiæ in lingua ejus. Consideravit semitas domus suæ, & panem otiosa non comedit. Surrexerunt filii ejus, & beatissimam prædicaverunt: vir ejus, & laudavit eam. Multæ filiæ congregaverunt divitias, tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum: & laudent eam in portis opera ejus.

Graduale. Psal. 44.

Diffusa est gratia in labiis tuis: propterea benedixit te DEUS in æternum.

Propter veritatem, & mansuetudinem, & justitiam: & deducet te mirabiliter dextera tua. Alleluja, Alleluja.

Specie tua, & pulchritudine tua: intende, prospere, procede, & regna. Alleluja.

† Sequentia Sancti Evangelii secundum Matthæum. *Cap. 13.*

In illo tempore: Dixit JESUS discipulis suis parabolam hanc: Simile est Regnum Cœlorum thesauro abscondito in agro: quem qui invenit homo abscondit, & præ gaudio illius vadit, & vendit universa quæ habet, & emit agrum illum. Iterum simile est Regnum Cœlorum homini negotiatori quærenti bonas margaritas. Inventa autem una pretiosa margarita abiit, & vendidit omnia quæ habuit, & emit eam. Iterum simile est Regnum Cœlorum sagenæ missæ in mare, & ex omni genere piscium congreganti. Quam, cum impleta esset, educentes, & secus littus sedentes, elegerunt bonos in vasa, malos autem foras miserunt. Sic erit in consummatione sæculi: exhibunt Angeli, & separabunt malos de medio justorum, & mittent eos in caminum ignis, ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scribe doctus in regno cœlorum, similis est homini patrifamilias, qui profert de thesauro suo nova, & vetera.

Offertorium. Psal. 44.

Diffusa est gratia in labiis tuis: propterea benedixit te DEUS in æternum, & in sæculum sæculi.

Sacra.

Illo nos amoris igne, quæsumus Domine, hæc hostia salutaris inflammet, quo Beatæ Joannæ Franciscæ cor vehementer incendit, & flammis adussit æternæ charitatis. Per Dominum &c.

Com.

Communio.

Dilexisti iustitiam, & odisti iniquitatem: propterea unxit te DEUS, DEUS tuus, oleo lætitiæ præ consortibus tuis.

Postcommunio.

Spiritum nobis Domine tuæ charitatis infunde, ut, quos cœlestis panis virtute satiaſti, Beata Joanna Francisca intercedente, facias terrena despicere, & te solum DEUM pura mente sectari. Per Dominum &c. in unitate ejusdem Spiritus &c.

DIE XXII. AUGUSTI.

S. Joſephi Calasanti Confessoris.

Introitus: Psal. 73.

Venite filii, audite me, timorem Domini docebo vos.

Benedicam Dominum in omni tempore, semper laus ejus in ore meo. Gloria Patri &c. Venite filii &c.

ORATIO.

DEUS, qui per Sanctum Joſephum Confessorem tuum ad erudiendam spiritum intelligentiæ, ac pietatis juventutem novum Ecclesiæ tuæ subsidium providere dignatus es; præſta, quaſumus, nos ejus exemplo, & intercessione ita facere & docere, ut præmia consequamur æterna. Per Dominum &c.

Lectio Libri Sapientiæ. Cap. 10.

Justum deduxit Dominus per vias rectas, & ostendit illi Regnum DEI, & dedit illi scientiam Sanctorum, honestavit illum in laboribus, & complevit labores illius. In fraude circumvenientium illum adfuit illi, & honestum fecit illum. Custodivit illum ab inimicis, & a seductoribus tutavit illum; & certamen forte dedit illi, ut vinceret, & sciret, quoniam omnium potentior est Sapientia. Hæc venditum justum non dereliquit, sed a peccatoribus liberavit eum, descenditque cum illo in foveam, & in vinculis non dereliquit illum; donec affer-

ret illi sceptrum Regni, & potentiam adversus eos, qui eum deprimebant; & mendaces ostendit, qui maculaverunt illum, & dedit illi claritatem æternam Dominus DEUS noster.

Graduale: Psal. 35.

Os justus meditabitur sapientiam, & lingua ejus loquetur judicium.

V. Lex DEI ejus in corde ipsius, & non supplantabuntur gressus ejus. Alleluja, Alleluja.

V. Jacob. Cap. 1. Beatus vir, qui suffert tentationem, quoniam cum probatus fuerit, accipiet coronam vitæ. Alleluja.

Post Septuagesimam omittitur Alleluja. Et versu sequenti, dicitur Tractus.

Psal. 3. Beatus vir, qui timet Dominum, in mandatis ejus cupit nimis.

V. Potens in terra erit semen ejus, generatio rectorum benedicetur.

V. Gloria & divitiæ in domo ejus, & justitia ejus manet in sæculum sæculi.

Tempore Paschali omittitur Graduale, & ejus loco dicitur Allel. Allel.

V. Jac. 1. Beatus vir, qui suffert tentationem, quoniam cum probatus fuerit, accipiet coronam vitæ, Alleluja.

V. Eccl. 45. Amavit eum Dominus, & ornavit eum, stolam gloriæ induit eum. Alleluja.

† Sequentia Sancti Evangelii secundum Matthæum. Cap. 18.

In illo tempore: Accesserunt Discipuli ad JESUM, dicentes: Quis, putas, major est in Regno Cœlorum? Et advocans JESUS parvulum statuit eum in medio eorum, & dixit: Amen dico vobis, nisi conversi fueritis, & efficiamini sicut parvuli, non intrabitis in Regnum Cœlorum. Quicumque ergo humiliaverit se sicut parvulus iste, hic est major in Regno Cœlorum, & qui suscepit unum parvulum talem in nomine meo, me suscipit.

• Credo.

H

Offer-

Offertorium. Psal. 10.

Desiderium pauperum exaudivit Dominus: preparationem cordis eorum audivit auris tua.

Secreta.

Altare tuum, Domine, muneribus cumulamus oblati; ut ejus nobis fiant supplicatione propitia, cujus nos donasti patrocinio adjuvari. Per Dominum &c.

Communio. Marc. Cap. 10.

Sinite parvulos venire ad me, & ne prohibueritis eos: talium est enim Regnum Dei.

Postcommunio.

Sanctificati, Domine, salutari mysterio quaesumus, ut intercedente Sancto Josepho Confessore Tuo ad majus semper proficiamus pietatis incrementum. Per Dominum &c.

DIE XXIX. AUGUSTI.

In festo S. Sabinæ Martyris, *duplex.*

in Eccl. Cath. Posnaniensi.

Intronus.

Me expectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimis. *Psal.* Beati immaculati in via: qui ambulant in lege Domini. *Gl.* Gloria.

ORATIO.

DEUS, qui inter cetera potentia tua miracula, etiam in sexu fragili victoriam Martyrii contulisti: concede propitius: ut, qui B. Sabinæ Martyris tuæ natalitia colimus, per ejus ad te exempla gradiamur. Per Dominum &c.

Epistola. Confitebor tibi Domine Rex *Ut in Missa.* Loquebar.

Graduale. Dilexisti justitiam, & odisti iniquitatem. *Ps.* propterea unxit te DEUS, DEUS tuus oleo lætitiæ. Alleluja, Alleluja. *Ps.* pecie tua, & pulchritudine tua: intende, prospere procede, & regna. Alleluja.

Evangelium. Simile est regnum ccelorum thesauro abscondito in agro. De Communi.

Offertorium.

Diffusa est gratia in labiis tuis, propterea benedixit te DEUS in æternum, & in sæculum sæculi. Alleluja.

Secreta.

Hostias tibi Domine, Beatæ Sabinæ Martyris tuæ dicatas meritis, benignus assume: & ad perpetuum nobis tribue pervenire subsidium. Per &c.

Communio.

Principes persecuti sunt me gratis, & a verbis tuis formidavit cor meum: lætabor ego super eloquia tua, quasi qui invenit spolia multa.

Postcommunio.

Divini muneris largitate satiati, quaesumus Domine DEUS noster: ut intercedente Beata Sabina Martyre tua, in ejus semper participatione vivamus. Per Dominum &c.

DIE XXX. AUGUSTI.

S. Rosæ Limanæ, Virg. *duplex.*

Missæ. Dilexisti. *Ex Comm. unius Virg.*

ORATIO.

Bonorum omnium largitor omnipotens DEUS, qui B. Rosam cælestis gratiæ rore præventam, Virginitatis & pudicitia decore Indis florescere voluisti: da nobis famulis tuis, ut in odorem suavitatis ejus currentes, CHRISTI bonus odor effici mereamur. Per &c.

In Dicecesi Vilnensi, Samogitiensi, Livonia celebratur xxvi. August.

DIE XXX. AUGUSTI.

SS. Felicis & Adacti, MM. *duplex in* *Dicecesi Vilnensi, Samogit. & Livonia.*

Missæ ut in Missal. Rom. Additur Collecta pro Gratiarum Actione.

FESTA

***** FESTA SEPTEMBRIS.

DOMINICA I. SEPTEMBRIS.

Festum Reliquiarum, in *Dioecesi Varm.
& Sambienſi.*

*Miſſa. ut in Miſſali, aut de Communi
Mart. Salus autem iuſtorum.*

ORATIO.

Auge in nobis, quaſumus, Domine reſurrectionis fidem, qui in Sancto-
rum tuorum Reliquiis mirabilia opera-
ris: & fac nos immortalis gloriae parti-
cipes, cujus in eorum cineribus pignora
veneramur. Per Dominum &c.

DIE I. SEPTEMBRIS.

B. Ladislai de Gielniow, Conf. P.R.P.
duplex I. Claſſ.

Miſſa. Juſtus. de Comm. Conf.

ORATIO.

DEUS, qui B. Ladislaum religioſa per-
fectione voluiſti omnibus praeſuce-
re, concede propitius, ut ejus exemplo in
virtutibus jugiter proficiamus. Per Do-
minum &c.

DIE VI. SEPTEMBRIS.

S. Roſaliae V. Panormitanae. *duplex in
Dioceſi Polſſani. & Varmienſi.*

Miſſa ut in Miſſali.

DIE X. SEPTEMBRIS.

In feſto S. Dalmatii Mart. *dupl. in Dio-
ceſi Vladislavienſi.*

*Miſſa. In virtute tua. de Comm. unius
Mart. non Pont.*

ORATIO.

Omnipotens ſempiternae DEUS, fide-
lium tuorum indeficiens conserva-
tor, qui glorioſi Martyris tui Dalmatii
clarificare dignatus es ſolemnitatem, ex-
audi preces ſupplicantis Eccleſiae, & pra-
ſta: ut, quae devote expetit, eo ſuffra-
gante conſequi mereatur. Per &c.

Epistoſa. Memor eſto Dominum JE-

SUM CHRISTUM. *De Communi unius
Martyris. Ea Miſſa. Latabitur.*

*Evangelium. Si quis vult venire poſt
me. de Communi unius Martyris Pontie-
ficiſ. Ex Miſſa Sacerdotes.*

Offertorium.

In virtute tua Domine latabitur juſtus,
& ſuper Salutare tuum exultabit ve-
hementer, deſiderium animae ejus tri-
buiſti ei.

Secreta.

Muneribus noſtris, quaſumus Domi-
ne, precibusque ſuſceptis: & cœ-
leſtibus nos munda myſteriis, & clemen-
ter exaudi. Per Dominum &c.

Communio.

Qui vult venire poſt me, abneget ſe-
metipſum; & tollat crucem ſuam,
& ſequatur me.

Poſtcommunio.

Refeſti participatione muneris ſacri,
quaſumus Domine DEUS noſter:
ut, cujus exſequimur cultum, interceden-
te Beato Dalmatio Martyre tuo, ſentia-
mus effectum. Per Dominum &c.

DIE XVIII. SEPTEMBRIS.

S. Joſephi a Cupertino, Confessoris.

Introitus.

Dilectio DEI honorabilis Sapientia:
quibus autem apparuerit in viſu,
diligunt eam in viſione, & in agnitione
magnalium ſuorum.

Psalm. Quam dilecta tabernacula tua
Domine virtutum: Concupiſcit anima
mea in atria Domini. Gloria Patri.

ORATIO.

DEUS, qui ad Unigenitum Filium tu-
um exaltatum a terra, omnia trahe-
re diſpoſuiſti: perſice propitius; ut me-
ritis & exemplo Seraphici Confessoris
tui Joſephi, ſupra terrenas omnes cupi-
ditates elevati, ad eum pervenire merea-
mur, qui tecum vivit & regnat in unita-
te Spiritus Sancti DEUS; per omnia.

Lectio Epistolæ Beati Pauli Apostoli
ad Corinthios.

Fratres, si linguis hominum loquar, & Angelorum, Charitatem autem non habeam; factus sum velut æs sonans, aut cymbalum tinniens. Et si habuero prophetiam, & noverim Myſteria omnia, & omnem ſcientiam; & ſi habuero omnem fidem, ita ut montes transferam, charitatem autem non habuero, nihil ſum. Et ſi distribuero in cibos pauperum omnes facultates meas, & ſi tradidero corpus meum, ita ut ardeam, Charitatem autem non habuero, nihil mihi prodeſt. Charitas patiens eſt, benigna eſt; Charitas non æmulatur, non agit perperam, non inflatur, non eſt ambitioſa, non quærit, quæ ſua ſunt, non irritatur, non agit malum; non gaudet ſuper iniquitate, congaudet autem veritati; omnia ſuffert, omnia credit, omnia ſperat, omnia ſuſtinet. Charitas nunquam excidit, ſive prophetiæ evacuabuntur, ſive linguæ ceſſabunt, ſive ſcientia deſtruetur.

Graduale.

Domine præveniſti eum in benedictionibus dulcedinis, poſuiſti in capite ejus coronam de lapide pretioſo. **V**itam petiit a te, & tribuiſti ei longitudinem dierum in ſæculum, & in ſæculum ſæculi. Alleluja, Alleluja. **O**culus DEI reſpexit illum in bono, & erexit eum ab humilitate ipſius, & exultavit caput ejus. Alleluja.

Sequentia Sancti Evangelii ſecundum Matthæum.

In illo tempore: Loquebatur JESUS Principibus Sacerdotum, & Phariſæis in parabolis, dicens: Simile factum eſt Regnum Cælorum homini Regi, qui fecit nuptias filio ſuo. Et miſit ſervos ſuos vocare invitatos ad nuptias, & nolebant venire. Iterum miſit alios ſervos ſuos, dicens: dicite invitatis, ecce prandium meum paravi, tauri mei, & altilia mea occiſa ſunt, & omnia parata, venite ad

nuptias; illi autem neglexerunt, & abierunt, alius in villam ſuam, alius vero ad negotiationem ſuam, reliqui vero tenuerunt ſervos ejus, & contumeliis affectos, occiderunt. Rex autem, cum auდიſſet, iratus eſt, & miſſis Exercitibus ſuis perdidit homicidas illos, & civitatem eorum ſuccendit. Tunc ait ſervis ſuis: nuptiæ quidem paratæ ſunt, ſed qui invitati erant, non fuerunt digni. Ite ergo ad exitus viarum, & quoscuque inveneritis, vocate ad nuptias. Egreſſi ſervi ejus in vias, congregaverunt omnes, quos invenerunt, malos, & bonos, & impletæ ſunt nuptiæ diſcumbentium. Intravit autem Rex, ut videret diſcumbentes; & vidit ibi hominem non veſtitum veſte nuptiali, & ait illi: Amice, quomodo huc intraſti, non habens veſtem nuptialem? at ille obmutuit. Tunc dixit Rex Miniſtris: ligatis manibus & pedibus ejus, mittite eum in tenebras exteriores; ibi erit fletus, & ſtridor dentium. Multi enim ſunt vocati, pauci vero electi.

Offertorium.

Ego autem, cum mihi moleſti eſſent, induebar cilicio; humiliabam in jejunio animam meam & oratio mea in ſinu meo convertetur.

Secreta.

Laudis tibi, Domine, hoſtias immolamus, in tuorum Commemoratione Sanctorum, quibus nos & præſentibus exui malis confidimus, & futuris. Per Dominum &c.

Communio.

Ego ſum pauper, & dolens: ſalus tua, DEUS, ſuſcepit me. Laudabo nomen DEI cum cantico: & magnificabo Eum in laude.

Postcommunio.

Refeſti cibo, potuque cœleſti, DEUS noſter, Te Supplices exoramus, ut, in cujus hæc Commemoratione percepi-mus, ejus muniamur & precibus. Per Dominum noſtrum JESUM CHRISTUM Filium tuum: qui tecum.

DIE XXIV. SEPTEMBRIS.
SS. Tyrſi, Palmatii, & Socior. Martyrum.
duplex in Diœceſi Vladislav.

Miſſa. Salus autem Juſtorum. De Comm. plurimorum Mart.

ORATIO.

Omnipotens ſempiternæ Deus, qui beatum Tyrſum, Palmatium, & Socios pro confeſſione nominis tui fortes in certamine feciſti, & eos per Martyrii palmam ſanctis tuis, in cœlis ſociaſti: præſta, quaſumus: ut qui Martyrii eorum diem annua devotione recolimus, ipſorum interceſſione in confeſſione fidei ſimus ſtabiles, & in bonis operibus efficaces. Per Dominum.

Secreta.

Accepta ſit in conſpectu tuo, Domine, noſtra devotio: & eorum nobis fiat ſupplicatio ſalutaris, pro quorum ſolemnitate defertur. Per Dominum.

Postcommunio.

Da, quaſumus Domine Deus noſter: ut, ſicut tuorum commemoratio-
ne ſanctorum, temporali gratulamur officio; ita perpetuo lætemur aſpectu. Per Dominum.

Ubi ſolus S. Tyrſi celebratur feſtum. Miſſa. Lætabitur. Oratio. Eadem, omniſis Palmatium & Socios.

DOMINICA PROXIMA
Poſt Feſtum S. Matthæi.

Feſtum Reliquiarum Eccleſiæ Upſalenſis.
Miſſa. Salus autem. De Comm. Mm.

ORATIO.

Propitiare, quaſumus Domine, famulis tuis per merita glorioſæ Virginis Mariæ, & beatorum Martyrum Laurentii, Eri-
ci, & omnium Sanctorum tuorum, quorum Reliquiæ in hac continentur Eccleſia, ut eorum pia interceſſione ab omnibus ſemper protegamur adverſis. Per Dominum.

DIE XXVI. SEPTEMBRIS.
S. Joſaphat Episc. Mart. *duplex.*
Miſſa. Sacerdotes De Comm. unius Mart. Pontif.

ORATIO.

Omnipotens ſempiternæ Deus, qui B. Joſaphat palma Martyrii condecorando Eccleſiæ Catholicæ novum apud te interceſſorem providiſti, quaſumus, ut ejus meritis & auxilio, a malis omnibus liberati tuo nomini ſtudioſius ſerviamus. Per Dominum noſtrum.

DIE XXVII. SEPTEMBRIS.
In feſto Translationis S. Stanislai Episcopi, & Mart. *duplex.*
Miſſa. Statuit. De Comm. unius Mart. Pont. Epistola. Omnis Pontifex, Evangelium. Ego ſum Paſtor bonus. Ex Miſſa S. Adalberti. XXIII. April.

ORATIO.

Deus, pro cujus honore glorioſus Pontifex Stanislaus gladiis impiorum occubuit: præſta, quaſumus: ut omnes, qui ejus implorant auxilium, petitionis ſuæ ſalutarem conſequantur effectum. Per Dom.

SECRETA.

Munera tibi Domine dicata ſanctifica: & intercedente beato Stanislao Martyre tuo atque Pontifice, per eadem nos placatus intende. Per Dominum.

Postcommunio.

Hæc nos communio, Domine, purget a crimine: & intercedente Beato Stanislao Martyre tuo, atque Pontifice, cœleſtis remedii faciat eſſe conſortes. Per Dominum noſtrum.

DIE XXVIII. SEPTEMBRIS.
In feſto S. Wenceslai Mart. *duplex.*
Introitus.

Lætabitur Juſtus in Domino, & ſperabit in eo: & laudabuntur omnes re-

recti corde. **Ps.** Exaudi Deus orationem meam, cum deprecor: a timore inimici eripe animam meam. **℣.** Gloria Patri.

ORATIO.

DEUS, qui Beati Wenceslai nobilitatem in meliorem mutasti dignitatem, & eum per martyrii palmam ad cœlestem perduxisti gloriam: ejus precibus nos, quæsumus, ab omni adversitate libera, & æternæ beatitudinis concede perfrui gloria. Per Dominum nostrum.

Lectio Epistolæ Beati Petri Apost.

Charissimi: Communicantes Christi passionibus, gaudete: ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis DEI, & qui est ejus spiritus, super vos requiescit. Nemo autem vestrum patiatur ut homicida, aut fur, aut maledicus, aut alienorum appetitor. Si autem ut Christianus: non erubescat, glorificet autem DEUM in isto nomine. Quoniam tempus est, ut incipiat judicium a domo DEI. Si autem primum a nobis: quis finis eorum, qui non credunt DEI Evangelio? Et si justus vix salvabitur: impius, & peccator ubi parebunt? Itaque & hi, qui patiuntur secundum voluntatem DEI: fidei creatori commendent animas suas in benefactis.

Graduale. Justus, cum ceciderit, non collidetur: quia Dominus supponit manum suam. **℣.** Tota die miseretur, & commodat: & semen ejus in benedictione erit. Alleluja, Alleluja. **℣.** Qui sequitur me, non ambulat in tenebris: sed habebit lumen vitæ æternæ. Alleluja.

† Sequentia Sancti Evangelii secundum Matthæum.

In illo tempore; Dixit Jesus discipulis suis: Si quis vult post me venire, ab-

neget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdiderit animam suam propter me, inveniet eam. Quid enim prodest homini, si mundum universum lucretur, animæ vero suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum angelis suis: & tunc reddet unicuique secundum opera ejus. **Credo.**

Offertorium.

Posuisti Domine in capite ejus coronam de lapide pretioso: vitam petiit a te, & tribuisti ei, Alleluja.

Secreta.

Accepta sit in conspectu tuo, Domine, nostra devotio: & ejus nobis fiat supplicatione salutaris, pro cuius solemnitate defertur. Per Dom.

Communio.

Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris sacri, quæsumus Domine DEUS noster: ut cuius exsequimur cultum intercedente Beato Wenceslao Martyre tuo, sentiamus effectum. Per Dominum.

FESTA OCTOBRIS.

DIE VI. OCTOBRIS.

Translatio S. Æschili M. P. R. S. **duplex**

Missa ut in festo XXII. Junii.

DIE VII. OCTOBRIS.

Sanctæ Birgittæ Viduæ. **duplex.**

Missa. Cognovi. de Comm. nec Virg. nec Martyr.

Die

ORATIO.

Domine DEUS noster, qui Beatæ Birgittæ per Filium tuum unigenitum secreta cœlestia revelasti: ipsius pia intercessione, da nobis famulis tuis, in revelatione sempiternæ gloriæ tuæ gaudere latantes. Per Dominum.

DIE X. OCTOBRIS.

Festum Gratiarum Actionis pro Victoria de Turcis obtenta.

Missæ Votivæ de SSS. Trinitate.

ORATIO.

DEUS, qui in summis Regni nostri periculis, antiqua brachii tui miracula renovasti, suscipe gratiarum actiones exultantium populorum, & quibus tanti gaudii causam præstitisti, perpetuæ fructum concede lætitiæ. Per Dominum.

Secreta. Odorem Domine.

Postcommunio.

DEUS, qui neminem in te sperantem. *Ut post Votivam de SSS. Trinitate ponuntur.*

DIE X. OCTOBRIS.

In Festo Sanctorum Gereonis, & Sociorum Mart.

Introitus.

Clamaverunt iusti, & Dominus exaudivit eos. & ex omnibus tribulationibus eorum liberavit eos. *Psal. Benedicam Dominum in omni tempore: semper laus ejus in ore meo. Gloria.*

ORATIO.

DEUS, qui hunc diem Beatorum Martyrum tuorum Gereonis, sociorumque ejus passione consecrasti: præsta, quæsumus: ut eorum suffragia apud te sentiamus in cœlis, quorum hic sollemnità pio amore veneramur in terris. Per Dominum.

Lectio libri Apocalypsis Beati Joannis Apostoli.

In diebus illis: Respondit unus de senioribus, & dixit mihi: Hi, qui amicti sunt stolis albis, qui sunt, & unde venerunt? Et dixi illi: Domine mi, tu scis. Et dixit mihi: Hi sunt, qui venerunt de tribulatione magna: & laverunt stolas suas, & dealbaverunt eas in sanguine Agni. Ideo sunt ante thronum DEI, & serviunt ei die ac nocte in templo ejus: & qui sedet in throno, habitabit super illos. Non esurient, neque sitient amplius: nec cadet super illos sol, neque ullus æstus. Quoniam Agnus, qui in medio throni est, reget illos: & deducet eos ad vitæ fontes aquarum, & absterget DEUS omnem lacrymam ab oculis eorum.

Graduale. Vindica Domine, sanguinem sanctorum tuorum, qui effusus est.

V. Posuerunt mortalia servorum tuorum Domine, escas volatilibus cœli: carnes sanctorum tuorum bestiis terræ. Alleluja, Alleluja. V. Justi epulentur, & exultent in conspectu DEI: & delectentur in lætitia. Alleluja.

† Sequentia sancti Evangelii secundum Lucam.

In illo tempore: Descendens JESUS de monte, stetit in loco campestri, & turba discipulorum ejus, & multitudo copiosa plebis ab omni Judæa, & Jerusalem, & maritima, & Tyri, & Sidonis: qui venerant, ut audirent eum, & sanarentur a languoribus suis. Et qui vexabantur a spiritibus immundis, curabantur. Et omnis turba quærebat eum tangere: quia virtus de illo exibat: & sanabat omnes. Et ipse elevatis oculis in discipulos suos: dicebat: Beati pauperes: quia vestrum est Regnum DEI. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis, cum vos oderint homines, &

& cum separaverint vos, & exprobra-
verint, & ejecerint nomen vestrum tam-
quam malum, propter Filium hominis.
Gaudete in illa die, & exultate: ecce
enim merces vestra, multa est in cælo.

Offertorium.

Exultabunt Sancti in gloria, lætabun-
tur in cubilibus suis: exultationes
DEI in faucibus eorum, Alleluja.

Secreta.

Munera tibi Domine, nostræ devo-
tionis offerimus: quæ & pro tuo-
rum tibi grata sint honore justorum:
& nobis salutaria, te miserante, red-
dantur. Per Dominum.

Communio.

Posuerunt mortalia fervorum tuorum
Domine, escas volatilibus cæli:
carnes Sanctorum tuorum bestiis terræ:
secundum magnitudinem brachii tui
posside filios morte punitorum.

Postcommunio.

DEUS, qui nos & cælestibus pascere
Sacramentis, & sanctorum Mar-
tyrum tuorum Gereonis, Sociorumque
ejus non desinis fovere suffragiis: præ-
sta, quæsumus: ut quod illis ad gloriam
contulisti, ad nostræ proposit fragilitatis
auxilium. Per Dominum.

Post X. Octobris feria non impedita
S. Ludovici Bertrandi Conf.
non Pont.

Missæ Os justi.

DIE XV. OCTOBIS.
In festo S. Hedwigis Viduæ. *duplex.*

Introitus.

Gaudeamus omnes in Domino, diem
festum celebrantes sub honore Bea-
tæ Hedwigis: de cujus solemnitate gau-
dent Angeli, & collaudant Filium DEI.

Psal. Eructavit cor meum verbum
bonum: dico ego opera mea regi.

Gl. Gloria.

ORATIO.

DEUS, gratiæ dator & gloriæ, tuæ
nobis propitius sinum pietatis ape-
ri, & præsta: ut qui manentem civita-
tem hic non habemus, ad futuram, quam
quærimus, beatæ Hedwigis intervenien-
te suffragio, perducamur. Per Do-
minum.

Leitio. Mulierem fortem.

Evangel. Simile est regnum cælorum
thesauro. *De Comm. non Virg.*

Secreta.

Accepta tibi sit, Domine, sacratæ
plebis oblatio, pro tuorum hono-
re Sanctorum: quorum se meritis de
tribulatione percepisse cognoscit auxi-
lium. Per Dominum

Postcommunio.

Sumpta, quæsumus omnipotens DEUS,
hostia salutaris, ab adversis nos om-
nibus tueatur incurfibus: & post hujus
labores exilii, Beatæ Hedwigis inter-
venientibus meritis, ducat ad requiem
opulentam. Per Dominum.

DIE XV. OCTOBIS.

S. Theresiæ Virg. *duplex in Diocesi
Vilvensi, ubi S. Hedwigis XVII.
Octobris celebratur.*

Missæ ex Missali Rom.

DIE XVI. OCTOBIS.

S. Brunonis Episcopi Mart. Apostoli Brus-
siæ. *duplex in Diocesi Varmiansi
& Sambienti.*

Missæ. Statuit, *De Comm. unius Mart.
Pontificis.*

ORATIO.

Misericordissime DEUS, pro cujus fi-
dei propagatione, S. Bruno Epi-
scopus & Martyr, in his terris sangui-
nem liberaliter effudit, miserere anima-
rum

rum populi tui, easque a culpis & pœnis
liberas in Sanctorum tuorum nume-
rum misericordissime inferas. Per Do-
minum.

DIE XX. OCTOBIS.

In festo Translationis S. Adalberti Epi-
scopi, & Mart. *duplex.*

Missa. Statuit. De Comm. unius Mart.

ORATIO.

Tuam nobis indulgentiam, quæsumus
Domine, Beatus Adalbertus Epi-
scopus, & Martyr imploret: ut & deli-
cta nobis clementer ignoscas, & bene-
ficia desiderata concedas. Per Dom.

Lectio Epistolæ. *Ex Missa sequenti.*
Sacerdotes. *Evang. ex Missa.* Statuit.
Si quis.

Offertorium. Posuisti Domine in ca-
pite ejus coronam de lapide pretioso: vi-
tam petiit a te, & tribuisti ei.

Secreta.

Sacrificium exhibitum, quæsumus Do-
mine, benignus assume: ut quod
nomini tuo in solemnitate (*vel* comme-
moratione) Beati Adalberti Martyris
tui, atque Pontificis deferimus, nobis
prosit ad veniam. Per Dominum.

Postcommunio.

Refecti, Domine, muneribus sacris,
supplices te deprecamur: ut in-
dulgentiam tuam nobis intercessio Bea-
ti Adalberti Martyris tui atque Pontifi-
cis semper imploret. Per Dominum.

DIE XXI OCTOBIS.

In festo S. Ursulæ & Sociarum Virginum,
duplex.

Introitus.

Gaudeamus omnes in Domino, diem
festum celebrantes sub honore un-
decim millium Virginum: de quarum
passione gaudent Angeli: & collaudant
Filium DEI. *Psalms.* Exultate justi in

Domino: rectos decet collaudatio.
Gloria.

ORATIO.

Da nobis, quæsumus Domine DEUS
noster, sanctarum Virginum, &
Martyrum tuarum Ursulæ, & Sociarum
ejus, palmas incessabili devotione vene-
rari: ut quas digna mente non possumus
celebrare, humilibus saltem frequente-
mus obsequiis. Per Dominum.

*Pro commemoratione sancti Hilarionis
Abbas.*

ORATIO.

Intercessio nos, quæsumus Domine,
Beati Hilarionis Abbatis commen-
det: ut quod nostris meritis non valemus,
ejus patrocinio assequamur. Per
Dominum.

Lectio Epistolæ Beati Pauli Apostoli
ad Corinthios.

Fratres: De Virginibus præceptum
Domini &c. *Ex Missa.* Vultum tu-
um. *De Comm. Virginum.*

Graduale. Exultabunt sancti in glo-
ria: lætabuntur in cubilibus suis. *Can-*
tate Domino canticum novum: laus e-
jus in Ecclesia sanctorum. Alleluja, al-
leluja. *Adducentur regi Virgines*
post eam: proximæ ejus afferentur tibi
in lætitia. Alleluja.

*Sequentia sancti Evangelii secundum
Matthæum.*

In illo tempore: dixit JESUS discipulis
suis parabolam hanc: Simile est reg-
num cœlorum decem Virginibus &c.

Ex missa: Dilexisti. *De Comm. Vir-
ginum.*

Offertorium. Afferentur Regi virgi-
nes post eam: proximæ ejus afferentur
tibi.

Secreta.

Intende, quæsumus Domine, munera
Altaribus tuis pro sanctarum virgi-
num, & Martyrum tuarum Ursulæ, &
K fo-

sociarum ejus, festivitate proposita: ut, sicut per hæc beata mysteria illis gloriam contulisti, ita nobis indulgentiam largiaris. Per Dominum.

Pro commemoratione sancti Hilarionis Abbatis.

Secreta.

Sacris altaribus, Domine, hostias superpositas sanctus Hilarion Abbas, quaesumus in salutem nobis provenire deprecatur. Per Dominum.

Communio. Quinque prudentes virgines acceperunt oleum in vasis suis cum lampadibus: media autem nocte clamor factus est, ecce sponsus venit, exite obviam Christo Domino.

Postcommunio.

Praesta nobis, quaesumus Domine, intercedentibus sanctis virginibus, & martyribus tuis, ut quod ore contingimus, pura mente capiamus. Per Dominum nostrum Jesum Christum Filium tuum. Qui tecum vivit, & regnat in unitate Spiritus Sancti Deus.

Pro commemoratione sancti Hilarionis Abbatis.

Postcommunio.

Protegat nos, domine, cum tui perceptione sacramenti Beatus Hilarion Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum nostrum JESUM CHRISTUM Filium tuum. Qui tecum vivit, & regnat in unitate Spiritus Sancti DEUS

DIE XXIII. OCTOBRI.

S. Joannis a Capistrano Conf. duplex.

Missa. Justus ut palma. De Comm. Conf. non Pontif.

ORATIO.

DEUS, qui Ecclesiam tuam B. Joannis a Capistrano meritis & doctrinis mirabiliter sublimasti, & per eum deper-

fidis tyrannis in virtute SS. Nominis JESU fideles tuos triumphare fecisti, praesta quaesumus, ut de inimicis nostris ejus intercessione praevalentes in terris, praemiari cum ipso mereamur in caelis. Per Dominum.

DOMINICA IV. OCTOBRI.

S. Joannis Cantii Conf. P. R. P. & M. D. L.

Introitus. Eccl. 18.

Miseratio hominis circa proximum suum: misericordia autem DEI super omnem carnem. Qui misericordiam habet, docet, & erudit, quasi pastor gregem suum.

Psalm. 141. Beatus Vir, qui non abiit in consilio impiorum, & in via peccatorum non stetit, & in cathedra pestilentiae non sedit.

Gloria Patri &c.

Miseratio hominis &c.

ORATIO.

Da, quaesumus, Omnipotens DEUS, ut S. Joannis Confessoris exemplo in scientia Sanctorum proficientes, atque aliis misericordiam exhibentes, ejus meritis indulgentiam apud te consequamur. Per Dominum nostrum &c.

Communio. Dominica.

Lectio Epistolae B. Jacobi Apostoli,

Cap. 2.

Sic loquimini, & sic facite, sicut per legem libertatis incipientes judicari. Judicium enim sine misericordia illi, qui non facit misericordiam: superexaltat autem misericordia judicium. Quid proderit, Fratres mei, si fidem quis dicat se habere, opera autem non habeat? Nunquid poterit fides salvare eum? Si autem frater, & soror nudi sint, & indigeant victu quotidiano: dicat autem aliquis ex vobis illis: Ite in pace, calefacimini, & saturamini, non de-

dederit autem eis, quæ necessaria sunt corpori, quid proderit? Sic & fides, si non habeat opera, mortua est in semet ipsa.

Graduale Psal. 106. Confiteantur Domino misericordiae ejus; & mirabilia ejus filiis hominum.

Psalm. 106. Quia satiavit animam meam, & animam esurientem satiavit bonis. Alleluja, Alleluja.

Proverb. 31. Manum suam aperuit inopi, & palmas suas extendit ad pauperem. Alleluja.

† *Sequentia S. Evangelii secundum Lucam. Cap. 12.*

In illo tempore dixit Jesus Discipulis suis: Sint lumbi vestri praecincti, & lucernæ ardentes in manibus vestris, & vos similes hominibus expectantibus dominum suum, quando revertatur a nuptiis, ut, cum venerit, & pulsaverit, confestim aperiant ei. Beati servi illi, quos, cum venerit Dominus, invenerit vigilantes, amen dico vobis, quod praecingat se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigicaret utique, & non fineret perfodi domum suam. Et vos estote parati, quia, qua hora non putatis, Filius hominis veniet.

Offertorium Job. 29.

Justitia indutus sum; & vestivi me sicut vestimento, & diademate, iudicio meo; oculus fui caeco, & pes claudens: Pater eram pauperum.

Secreta.

Has, quasumus, Domine hostias S. Joannis Confessoris tui meritis benignas adsume, & presta, ut te super omnia, & omnes propter te diligentes,

K2

corde tibi & opere placeamus. Per Dominum nostrum &c.

Communio Luc. 6.

Date, & dabitur vobis, mensuram bonam, & confertam, & coagitatam, & supereffluentem dabunt in sinum vestrum.

Postcommunio.

Pretiosi Corporis, & Sanguinis tui Domine pasti deliciis, tuam supplices deprecamur clementiam, ut S. Joannis, Confessoris tui meritis, & exemplis, ejusdem charitatis imitatores effecti, consortes simus & gloriae. Qui vivis &c.

DIE XXVIII. OCTOBIS.

S. Petri Paschasii Episc. & Mart. dupl. min.

Missa. Sacerdotes. de Comun. unius Mart. Pont.

DIE XXXI. OCTOBIS.

S. Wolfgangi Episc. Conf. duplex.

Missa ut in additamento Missalis.

FESTA NOVEMBRIS.

DOMINICA II. NOVEMBRIS.

Festum Patrocinii B. V. duplex.

Missa ut festo S. Mariae ad Nives. Commun. & Evang. ult. Dominicae.

DIE XII. NOVEMBRIS.

In Festo SS. Quinque Fratrum Polonorum Martyrum. duplex.

Introitus.

Multae tribulationes justorum, & de his omnibus liberavit eos Dominus: Dominus custodit omnia ossa eorum: unum ex his non conteretur. *Psal.* Benedicam Dominum in omni tempore: semper laus ejus in ore meo. *V.* Gloria Patri. **ORA.**

ORATIO.

Sanctorum nos, quæsumus Domine, Martyrum tuorum, Benedicti, Joannis, Matthæi, Isaaci, atque Christini gloriosa hodierna die trophæa lætificent: quatenus eorum interventione, ad illam perveniamus hæreditatem, in qua iidem felices Angelorum cœtibus aggregati, tuæ semper Majestatis perfruuntur ineffabili claritate. Per Dominum nostrum.

Lectio Libri Sapientiæ.

Hi sunt viri misericordiæ, quorum justitiæ oblivionem non acceperunt. Cum semine eorum permanent bona: hæreditas sancta, nepotes eorum. Et in testamentis stetit semen eorum: & filii eorum propter eos in æternum manent. Generatio eorum non derelinquetur. Corpora eorum in pace sepulta sunt: & nomina eorum vivent in sæcula. Sapientiam eorum narrent omnes populi: & laudem eorum pronuntiet omnis Ecclesia Sanctorum.

Graduale. Ecce quam bonum, & quam jucundum, habitare fratres in unum. **V.** Sicut unguentum in capite, quod descendit in barbam, barbam Aaron. Alleluja, alleluja. **V.** Hæc est vera fraternitas, quæ vincit mundi crimina: Christum secuta est, inclyta tenens regna cœlestia. Alleluja.

Sequentia sancti Evangelii secundum Lucam.

In illo tempore: dixit Jesus Discipulis suis: Attendite a fermento Phariseorum quod est hypocrisis. Nihil autem opertum, quod non reveletur: neque absconditum, quod non sciatur. Quoniam hæc in tenebris dixistis, in lumine dicentur: & quod in aurem locuti estis in cubilibus, prædicabitur in tectis. Dico autem vobis amicis meis: Ne terreamini ab his, qui occidunt corpus, & post hæc non habent amplius,

quid faciant. Ostendam autem vobis, quem timeatis. Timete eum, qui postquam occiderit, habet potestatem mittere in gehennam. Ita dico vobis, hunc timete. Nonne quinque passeress veniunt dipondio: & unus ex illis non est in oblivione coram Deo. Sed & capilli capitis vestri omnes numerati sunt. Nolite ergo timere: multis passeribus pluris estis vos. Dico autem vobis: omnis, quicumque confessus fuerit mecoram hominibus, & filius hominis confitebitur illum coram Angelis Dei.

Credo.

Offertorium. Gloriabuntur in te omnes, qui diligunt nomen tuum, quoniam tu Domine benedices justo. Domine, ut scuto bonæ voluntatis tuæ, coronasti nos.

Secreta.

Hostias tibi Domine, sanctorum Martyrum tuorum dicatas meritis benignus assume: & ad perpetuum nobis tribue provenire subsidium. Per Dominum.

Communio. Et si coram hominibus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos.

Postcommunio.

Sumpsimus Domine, sanctorum Martyrum tuorum, Benedicti, Joannis, Matthæi, Isaaci, atque Christini solennia celebrantes, Sacramenta cœlestia: præsta, quæsumus: ut quod temporaliter gerimus, æternis gaudiis consequamur. Per Dominum nostrum.

DONINICA PROXIMA POST XII.
NOVEMBRIS.

S. Stanislai Kostka Conf. Patr. R. P.

duplex.

Introitus Sap. 4.

Consummatus in brevi explevit tempora multa; placita enim erat Deo ani-

anima illius: propter hoc properavit educere illum de medio iniquitatum.

Psalm. Laudate pueri Dominum: Laudate nomen Domini. Gloria Patri.

ORATIO.

Deus, qui inter cætera Sapientiæ tuæ miracula etiam in tenera ætate maturæ sanctitatis gratiam contulisti; da quæsumus, ut B. Stanislai exemplo, tempus instanter operando redimentes, in æternam ingredi requiem festinemus. Per Dominum.

Lectio Libri Sapientiæ.

Justus, si morte præoccupatus fuerit, in refrigerio erit. Senectus enim venerabilis est non diuturna, neque annorum numero computata: cani autem sunt sensus hominis, & ætas senectutis vita immaculata: Placens DEO factus est dilectus; & vivens inter peccatores translatus est: raptus est, ne malitia mutaret intellectum ejus, aut ne fictio deciperet animam illius. Fascinatio enim nugacitatis obscurat bona, & inconstantia concupiscentiæ transvertit sensum sine malitia. Consummatus in brevi explevit tempora multa: placita enim erat DEO anima illius: propter hoc properavit educere illum de medio iniquitatum. Populi autem videntes & non intelligentes, nec ponentes in præcordiis talia: quoniam gratia DEI, & misericordia est in Sanctos ejus, & respectus in electos illius. Condemnat autem justus mortuus vivos impios, & juvenus celerius consummata longam vitam injusti.

Graduale. Desiderium cordis ejus tribuisti ei, & voluntate labiorum ejus non fraudasti eum. *Ps.* Quoniam prævenisti eum in benedictionibus dulcedinis. Alleluja, alleluja. *Ps.* Initio cognovi de testimoniis tuis, quia in æternum fundasti ea. Alleluja.

L

Sequentia Sancti Evangelii secundum Matthæum.

In illo tempore oblatis sunt JESU parvuli, ut manus eis imponeret, & oraret. Discipuli autem increpabant eos. JESUS vero ait eis: Sinite parvulos: & nolite eos prohibere ad me venire; talium est enim Regnum Cælorum. Et cum imposuisset eis manus, abiit inde. Et ecce unus accedens ait illi. Magister bone quid boni faciam, ut habeam vitam æternam? Qui dixit ei: Quid me interrogas de bono? Unus est bonus DEUS. Si autem vis ad vitam ingredi, serva mandata. Dixit illi: quæ? JESUS autem dixit: Non homicidium facies, non adulterabis, non facies furtum, non falsum testimonium dices; honora patrem tuum, & matrem tuam, & diliges proximum tuum sicut te ipsum. Dicit illi adolescens: Omnia hæc custodivi a juventute mea: quid adhuc mihi deest? Ait illi JESUS: Si vis perfectus esse, vade, vende quæ habes, & da pauperibus, & habebis thesaurum in cælo: & veni sequere me. *Credo.*

Offertorium. Introibo ad altare DEI: ad DEUM, qui lætificat juventutem meam.

Secreta.

Angelorum pane, quæsumus Domine, Beati Stanislai nos intercessio dignos efficiat, qui eo meruit Angelica manu recreari. Per Dominum nostrum &c.

Communio.

Cibavit illum Dominus pane vitæ, & intellectus; & aqua sapientiæ salutaris potavit illum.

Postcommunio.

Ut nobis, Domine Cælestis, quem sumpsimus, panis sit vitæ, Beato Stanislao Confessore tuo intercedente, quæ-

fu-

sumus, ut panis sit intellectus, & potus aqua sapientiae salutaris. Per Dominum nostrum.

DIE XV. NOVEMBRIS.

S. Gertrudis Virg. Abbatissae, *duplex.*
Missā in Missali suo ordine.

DIE XVII. NOVEMBRIS.

S. Salomeae Virginis Reginae Haliciae.
duplex.
Missā. Dilexisti. De Communi Vir-
ginum.


ORATIO.

DEUS, qui in Beata Salomea terreni regni contemptum cum virginitatis candore in connubio sociasti; concede nobis quaesumus, ut ejus exemplo tibi casto & humili corde servientes, immarcescibilem coronam gloriae in caelis consequi mereamur. Per Dominum nostrum.

DIE XIX. NOVEMBRIS.

S. Elisabeth Vid. *duplex, suo ordine*
in Missali.


F I N I S.







Biblioteka Jagiellońska



stdr0031890



